

Otmar Oduber ta tuma partido PPA over pa bay eleccion



Pagina 6

- **CAft ta spera un miho resultado pa sector colectivo**

Pagina 4

- **SVb ta anuncia nan maneho pa cu matrimonio di mesun sexo**

Pagina 2

- **Fundacion Alzheimer Aruba ta anuncia siman di cinta teal**

Pagina 3

Paws Uni Aruba ta preparando pa brinda ayudo den bario di Dakota



Pagina 2

A pone 80 miyon florin un banda pa fortalece economia di islanan den Caribe



Pagina 8

Mas di 850 mil Cubano a yega Merca desde 2022



Pagina 11

WIN \$12,000

EVERY SATURDAY TILL NOVEMBER 16TH

For more information visit our Casino VIP Desk it will be our pleasure to assist you!

THE CASINO AT
THE RITZ-CARLTON
ARUBA

Despues di yuda 534 cacho y pushi den Madiki, Paws Uni Aruba ta preparando pa brinda ayudo den bario di Dakota



Despues di un campaña di sterilisacion exitoso den bario di Madiki, Paws Uni Aruba ta preparando pa aborda e siguiente desafio, cual ta bira e bario di Dakota. Den luna di october Paws Uni Aruba ta drenta den Dakota y continua cu e nan campaña di sterilisacion.

Den luna di juni Zoey Conijn di Luna Foundation Aruba a introduci Paws Uni Aruba, un iniciativa pa yuda cu e problema fuerte di cacho y pushi riba caya. Den luna di

augustus Paws Uni Aruba a drenta den Madiki pa sterilisa mas hopi cacho y pushi posibel y asina yuda e doñonan di mascota cu no tabatin accesibilidad pa haci esaki pa motibonan financiero.

Despues di yuda 534 cacho y pushi di e bario di Madiki, aworaki Paws Uni Aruba ta preparando pa drenta den bario di Dakota den luna di october.

“Nos a keda keto pa un rato, pero nos ta hopi ocupa formando nos siguiente campaña na Dakota. Un bario cada

biaha. Nos a realisa cu ora bo no ta enfoca den un bario, bo ta keda haya e mesun problema cada biaha. Dakota no ta un bario facil. Nos a bin ta sigui e noticianan tocante e area di cerca. E ta un bario dificil pa hende y bestia. Ta p’esey yudansa ta realmente necesario. Mester di un team mas grandi pa por yuda Dakota,” Paws Uni Aruba a publica riba nan pagina di Facebook

Nan a sigui informa cu nan lo ta den e bario e ultimo dos weekend di luna di october y e prome dos weekend di no-



vember. E meta di e campaña ta pa surpasa e cantidad di cacho y pushi cu nan a sterilisa den Madiki y bisindario.

Adicionalmente nan a informa cu e ronda aki nan no lo haci colonia di pushi na e sitio di campaña, pero nan ta bay haci esey na e clinica veterinario VSH Veterinary Specialty Hospital Aruba riba un otro fecha durante e mesun periodo.

Paws Uni Aruba ta consisti di 11 fundacion cu a uni hunto cu veterinario VSH y Stimami Sterilisami pa bay bario pa bario pa sterilisa e mascotanan. E meta ta cu e

fundacionnan ta drenta den e bario, den e casnan pa opera e mascotanan y nan ta drenta pa papia cu e doñonan, educa nan y pa traha casnan di cacho unda mester, zorg pa e cacho ta bon mara y zorg pa e pushinan no ta den sushedad.

E fundacionnan ta drenta den e bario, den e casnan pa opera e mascotanan y nan ta drenta pa papia cu e doñonan, educa nan y pa traha casnan di cacho unda mester, zorg pa e cacho ta bon mara y zorg pa e pushinan no ta den sushedad.

Potret: Facebook Paws Uni Aruba

SVb ta anuncia nan maneho pa cu matrimonio di mesun sexo

Mediante un publicacion riba nan FB page, Fundacion Orguyo a informa cu SVb a anuncia su maneho pa cu matrimonio di mesun sexo basa riba e sentencianan reciente di Corte den Prome Instancia di Aruba; Corte Comun di Husticia di Aruba, Curaçao, St. Maarten, Boneiro, Saba y St. Eustatius; Corte Supremo di Hulanda y Colegio di Apelacion di Aruba.

Banco di Seguro Social di Aruba ta informa cu ta invita tur persona cu desde 1 di mei 2021 pa e fecha actual ta considera di tin derecho riba:

Pensioen di biehes (AOV) pa pareha, pa motibo di a alcanza of tabata tin edad di pensioen den e periodo menciona y ta of tabata casa cu un persona di mes un sexo cu no a yega edad di pensioen; Pensioen di viudes, pa motibo di tabata casa cu un asegurado di mes un sexo y cual a fayece den e periodo menciona;



Pa entrega nan aplicacion pa pensioen por haci’e via nan app MiPensioen of por contact nan departamento di Pensioen via telefon 5272760, via email pensioen@svbaruba.org, of via Whatsapp +2975272760 (mensahe so – no por yama via Whatsapp).

Desviando di articulo 11 inciso 3 di ley di AOV y articulo 15 di ley di AWW, SVb lo ta aplicando un areglo di transicion te cu 31 di december 2024.

Manera ya caba ta conoci for di 13 di juli ultimo, Corte di Casacion na Den Haag a dicta su sentencia den e caso di apertura di matrimonio pa parehanan di mesun sexo. Corte a dicta cu tanto Aruba, como Corsou, mester habri matrimonio pa parehanan di mesun sexo.

Dia 6 di december 2022, Gemeenschappelijk Hof van Justitie di Aruba, Corsou, Sint Maarten y Boneiro, Sint Eustatius y Saba a dicta su ve-

dicto den cual ta indica cu Aruba y Corsou mester habri matrimonio pa parehanan di mesun sexo. Esaki a keda sosteni pa Hoge Raad na Den Haag den un veredicto altamente spera pa comunidad di Aruba.

E sentencia di Hoge Raad ta indica cu na Aruba y Corsou e leynan actual ta dicta cu matrimonio ta solamente entre parehanan heterosexual, esta un homber y un muhe. Na Aruba, Fundacion Orguyo

hunto cu un pareha di personanan di mesun sexo cu kier casa a entama un caso contra Gobierno di Aruba.

E demandantenan ta sostiene cu e leynan aki ta contra di e prohibicion di discriminacion cu ta basa riba tratado internacional y Constitucion di Aruba. Cu e caso aki, e meta di demandantenan tabata pa habri matrimonio pa parehanan di mesun sexo.

Den su veredicto Corte den Prome Instancia di Aruba a dicta cu mientras parehanan di mesun sexo no por casa, y si no por ofrece e parehanan aki un otro alternativa, manera por ehempel manera un union registra, e ta contra articulo 8 di derecho di bida priva y famia y articulo 14 di prohibicion di discriminacion di e Convencion Europeo pa proteccion di Derechonan Humano (EVRM) y cu Pais Aruba tabata actua di manera ilegal contra demandantenan.

Fundacion Alzheimer Aruba ta anuncia siman di cinta teal

Fundacion Alzheimer Aruba a tene un conferencia di prensa ayera mainta pa informa e comienso di siman di cinta teal unda cada dia 21 di september ta ser recorda pa 22 aña caba. Ademá e fundacion a anuncia diferente actividad.

Melva Croes-Yanez ken ta fungi como presidente di e organizacion a expresa cu e actividad aki ta sirbi como conscientisacion pa comunidad unda 22 aña pasa nan a cuminsa cu nan prome caminata.

Un di e actividad ta bay tuma luga diadomingo awor 22 di september cu un misa di inauguracion di siman di cinta teal (of Teal Ribbon Week) na misa di Santa Teresita na San Nicolas pa 10 or di mainta.

E atencion durante e siman di conscientisacion ta bay enfoca principalmente riba e proyecto cu ta den proceso for di aña 2010 "Aruba Teal Alert" e cual ta encera tres dia di curso y training di participantenan di Aruba y di exterior.

Esaki ta un iniciativa di Fundacion Alzheimer Aruba y Dbs Productions di e Dr. Robert Koester conoci pa desaroyo di e proyecto "International Search and Rescue Incident," cu ta e base di dato internacional cu ta compila informacion y ta analisa estadistica di buskeda y rescate di hendenan cu ta perde rond mundo.

"14 aña despues nos ta bolbe hacie pasobra cu e hendenan cu nos tabatin antes, hopi di nan a bay cu pension y tin hopi hende cu nan no ta activo, pero e trabou mester sigui. Nos mester tuma



e hendenan aki cu ta cana perde y nan famia nan dignidad te na ultimo. E experiencia ora cu nos ta guianan, nan famia ta keda cu expectativa cu un dia nan ser kerí por yega back," el a bisa.

Nan ta ripara cu den ultimo 5 aña e hendenan ta perde y tin diferente di nan cu nunca mas a ser haya, Croes-Yanez a sigura cu ta 5 hende segun nan tin conocimiento, sin embargo, nan a compronde cu tin mas hende perdi.

Pa preveni pa esaki sucede, nan a cuminsa cu un sistema di GPS pero esey no por a sigui pa motibo cu e tecnologia cu nan tabatin mester di dje no tabata disponibel pa nan e tempo ey. "Esey a pone cu nos mester a bandona e proyecto piloto. Nos tabatin dos GPS cu nos tabata usando na e momento ey," segun loke el a conta.

Aworaki cu e proyecto nan kier certifica 40 persona den e curso di Dr. Robert Koester cu lo tuma luga dia 26, 27 y

28 di september enfoca riba buskeda y rescate di hendenan cu ta perde.

Croes-Yanez a bisa cu nan no por busca Polis pa yuda busca e personanan aki pa motibo cu nan ta pa investiga y despues di 48 ora despues nan por actua, "pero den e caso di e proyecto aki bo ta cuminsa mesora, pasobra cada minuut ta conta pa e personanan aki."

Pa loke ta trata e cinta di color teal (blauw-berde) Croes-Yanez a splica cu esaki ta wordo considera como e di 3 cinta cu un nificacion simbolico na mundo, despues di esun di color geel (pa esnan perdi) y esun di HIV-AIDS color cora.

Durante tur siman di cinta teal, Fundacion Alzheimer Aruba lo keda enfoca riba proteccion di Adulto mayor afecta pa un of otro condicion (neuro) cognitivo (leve, modera, mayor, progresivo of reversibel) ademá di stigmatizacion, edadismo, discriminacion, exclusion, abuso,

victimizacion, abandono y isolacion.

Tambe nan ta keda enfatisa cu tin maneho deficiente den cuido (incluso cuido medico) y violacion di derecho di Adulto Mayor. Nan tambe ta cuestiona e manipulacion di mente di e grandinan y violacion di norma y balornan socio-cultural pa probecho y/of beneficio personal, profesional, politico of financiero.

Rebeca Geerman ken ta voluntario di e fundacion a elabora riba aumento di casonan cu nan ta ricibi unda nan ta sigura cu "tin casnan di cuido cu ta laga hopi di desea, unda tin casonan unda e holor di orina ta yega, no ta tur pero pa nos tin un idea. Tin casonan di mayornan cu ta cay den casnan di cuido y despues nan ta fayece espontaneamente, famia no sa kico a sucede, e mama a cay y no tabatin supervision ni hende pa mira." el a bisa.

Ademá, el a sigura cu nan a haya sa di casonan unda tur cliente den un cas di cuido ta haya sarna "nos ta mira varios caso," Geerman a comenta.

Tambe tin casonan di yiunan cu ta abusa di nan grandinan en bes di cuida nan, nan ta usa nan placa, a maltrata nan, intimida nan y nan ta biba bao miedo, inseguridad, en especial esnan cu tin Alzheimer cu no ta compronde kico ta sucediendo.

"Abuso ta scala di marca mayor, recientemente nos tabatin un caso unda e cliente ta bisa cu señora tin Alzheimer y ta usa mas cu 30 medicamento pa dia, pero ora mi a papia cu e señora, a resulta cu e señora aki no tin nada di Alzheimer, ora otro hende a duna un di-

agnostico ta depresion loke e señora tin unda cu e ta mira cu bida no t'ey mas pe."

Nan ta ripara cu tin hopi caso di abuso di hende grandi cu ta bin cerca nan unda e personanan afecta no kier papia ni kier denuncia pa motibo di miedo di intimidacion of represalia di nan mesun yiu cu ta e abusador, pa hopi bi-aha.

Croes-Yanez a trece dilanti cu den algun di e casonan nan ta pidi e rapport di diagnostico pa haya sa si di berdad e personanan afecta ta sufri di Alzheimer pero mayoria di biaha nan no ta haya esey. "Ta un caminda di cruz pa hendenan haya of trece pa nos e informacion ey."

E prome paso pa nan como fundacion por reporta casonan di abuso contra hende grandi ta Ministerio Publico, pa motibo cu Croes-Yanez a afirma cu si ta bay Inspectie Volksgezondheid Aruba (IVA) "eynan tin un sistema cu ta yama incidente melding, esey ta cambia cos completamente y ta encera por ehemplo, cu bo mester bay sinta papia cu e persona cu bo ta kere of bo sa cu ta haciendo cosnan no corecto, tin cu haci un comision y bay papia. Esey ta cosnan cu a mi ta yama 'biramento di man' y bo no por yega leu asina. Nos mester di un ley pa proteha e hendenan aki y riba esey nos ta trahando aworaki."

Pero esaki no ta nifica cu nan no ta haciendo nada al respecto, nan ta tumando accion y mester tuma accion debi na e seriedad di esaki, pero pa trece esey dilanti nan mester di pruebanan of mester puntra Ministerio Publico pa haci un 'orientatie onderzoek'.



A base di e prome uitvoeringsrapportage,

CAft ta spera un miho resultado pa sector colectivo cu loke a presupuesta

Manera ya caba Bon Dia Aruba a reporta, luna pasa Colegio di Supervision Financiero di Aruba (CAft) a ricibi e rapport di ehecucion (uitvoeringsrapportage) cu ta corresponde na e prome trimester di 2024. CAft a reacciona riba e rapport aki via un carta den cual nan ta subraya cu a pesar cu ta muestra positivo, e uitvoeringsrapportage no ta cumpli completamente cu acuerdonan.

Den un articulo anterior Bon Dia Aruba a elabora ariba e prome parti di e carta di reaccion di CAft den cual ta resalta cu aunke ta muestra un resultado positivo, CAft ta constata cu esaki no ta cumpli cu e acuerdonan cu a cera cu Aruba.

A continuacion informacion riba e splicacion di e comentarionan di CAft manera inclui den e carta.

Beneficio

CAft ta indica cu Aruba lo realisa AWG 411 miyon den e prome kwartaal di 2024 na beneficio. E ta AWG 63 miyon mas cu den e mesun periodo di 2023. E beneficiacion di impuesto a subi pa AWG 46 miyon na final di maart 2024 compara cu e prome kwartaal di 2023. E otro ingresonan a aumenta cu AWG 17 miyon den e mesun periodo.

Beneficio di impuesto

E ingreso di impuesto directo den e prome kwartaal di 2024 ta AWG 134 miyon. Esaki ta un aumento di AWG 18 miyon compara cu e prome kwartaal di 2023. E aumento aki ta wordo causa pa mas ingreso di impuesto di salarionan (AWG 10 miyon), impuesto di ganashi (AWG 3 miyon), impuesto di entrada (AWG 2 miyon) y impuesto di transferencia (AWG 2 miyon). E ingreso di impuesto di salario ta mas halto den 2024 compara cu 2023 debi na mas accionnan di cobransa y e posibilidad di compra di pensioen cu un tarifa mas abou.

E ingreso di impuesto di ganashi ta un tiki mas halto den e prome kwartaal di 2024 compara cu 2023. Normalmente, impuesto di ganashi ta subi den e di dos kwartaal, ora e declaracionnan di impuesto di ganashi wordo

entrega. Pero, e aumento ya ta visibel den e prome uitvoeringsrapportage di e aña.

CAft ta resalta cu den e uitvoeringsrapportage no tin un declaracion pa e ingreso mas halto di impuesto di entrada. E ingreso mas halto di impuesto di transferencia ta un resultado di un aumento den compra di casnan di vakantie. Aruba ta realisa AWG 201 miyon den impuesto indirecto den e prome kwartaal. Esaki ta un aumento di AWG 28 miyon compara cu 2023. E aumento ta primordialmente causa pa un aumento di BBO (AWG 23 miyon) y impuesto di accijns (AWG 5 miyon). E aumento di BBO ta causa pa e introduccion di BBO na frontera.

CAft ta remarca cu Aruba no ta duna un clarificacion den e uitvoeringsrapportage pa e ingreso mas halto di accijns compara cu 2023. E ingreso ta bin principalmente di benta di bebidanan alcoholico y sigaria, cu tin un curva instabil durante e aña.

Otro ingreso

Den e prome uitvoeringsrapportage ta muestra un ingreso di AWG 76 miyon di otro fuente. Esaki ta un aumento di AWG 17 miyon compara cu e prome kwartaal di 2023. CAft ta nota cu e aumento aki ta bin principalmente pa mas ingreso di impuesto di turista (AWG 11 miyon) y e provision di divisa (AWG 9 miyon). Sinembargo, e ingreso na e sector di derecho, boet y otro cu a baha cu AWG 3 miyon den e mesun periodo aki, debi na un caida den e ingreso di Direccion di Telecomunicacion.

Gasto

Pa loke ta gasto, CAft a resalta cu den e prome kwartaal di 2024, Aruba a realisa un gasto di AWG 349 miyon, cual ta un caida di AWG 4 miyon compara cu e prome kwartaal di 2023.

Gasto di personal

Gasto di personal ta un aspecto cual CAft a enfatisa, na mas di un ocasion, cu gobierno mester reduci. Na final di maart 2024 gasto di personal ta AWG 111 miyon. Esaki ta un reduccion di AWG 1 miyon compara cu e mesun periodo di

2023. E reduccion aki ta principalmente resultado di un gasto mas abou pa e subsidio pa mucha, pago di vakantie, otro compensacion y contribucion na e fondo di pensioen general.

CAft ta resalta cu a pesar di e reduccion den gasto di personal den e prome kwartaal di 2024, e cantidad di empleadonan a subi cu 15. E contratacionnan nobo aki ta envolve KPA y empleadonan di proyecto den e Departamento di Impuesto, cu ta financia pa TWO (Organisacion Temporario di Trabou).

Gasto di bienes y servicio

E gasto pa bienes y servicio na final di maart 2024 ta keda casualmente igual cu e prome kwartaal di 2023 y 2022. Gastonan pa entre otro medicamento, paña di trabou, articulo di oficina, producto di compania, huur/lease di vehiculo y gasto bancario a bay atras compara cu e presupuesto. CAft ta observa pa un tempo caba un sub-agotamento den e sector aki y a recomenda Aruba pa ahusta e presupuesto e presupuesto pa abou.

Servicio capital

CAft a destaca cu e servicio capital ta muestra un resultado positivo di AWG 7 miyon den e prome kwartaal di 2024. E ingreso ta AWG 12 miyon y ta bin principalmente di devaluacion libera. E gasto di AWG 5 miyon ta bin principalmente di prestamo di estudiante.

CAft ta indica cu Aruba tin presupuesta AWG 21 miyon pa inversion den 2024. Den

e prome kwartaal, solamente 3% di esaki a wordo realisa. E demanda pa contratista den e sector di construccion ta halto aworaki pa motibo di e crecimiento economico fuerte. Esaki, nan ta resalta, ta retrasa e proceso di destaho pa proyectonan financia pa gobierno. Ta existi un riesgo cu no tur inversion lo wordo realisa e aña aki.

Maneho financiero

E presupuesto 2024 a ser aproba na tempo y a wordo cambia cu e Voorjaarsnota. CAft ta indica cu esaki ta positivo, pero di otro banda Aruba no ta logra entrega e informacion di ehecucion y responsabilisacion na tempo. Pa e motibo ey CAft no por evalua si e documentonan di presupuesto ta realista. Ademá, e rapportnan financiero for di 2019 no ta cla ainda. Sin rapportnan actualisa y verifica pa un accountant, ni CAft ni Parlamento por tin un bista confiabel di e situacion financiero real di e pais.

CAft ta aplaudi e hecho cu Aruba ta trahando pa mehora e maneho financiero den cuadro di e rekisito di e Landspakket, y nan tin confiansa den e desaroyo aki y ta enfatisa e importancia di sostenibilidad di e resultadonan.

Sector colectivo y entidadnan di gobierno

Den e tabel number 2 CAft ta muestra e resultado presupuesta pa 2024 di tur sector colectivo di Aruba, den comparacion cu e realisacion den e prome kwartaal di 2022-2024. Nan ta indica cu pa e entidadnan den e sector

colectivo, e resultado positivo di e prome kwartaal di 2024 ta bin di e surplus di AZV, SVb y ATA.

Den e prome kwartaal di 2024, AZV a logra un surplus di AWG 13 miyon. AZV ta spera di logra un resultado positivo di AWG 27 miyon na final di 2024. E crecimiento economico fuerte ta trece mas ingreso di prima y impuesto di AZV. SVb ta spera un resultado di AWG 53 miyon na final di 2024. Mirando e realisacion di e prome kwartaal y e desaroyo faborabel di ingreso di prima, CAft ta spera mas entrada pa AZV y SVb.

A pesar di e resultado positivo di ATA di AWG 33 miyon na final di 2023 y e aumento di turismo cu spera den 2024, Aruba a presupuesta un resultado cero (nihil) pa final di 2024. E prome uitvoeringsrapportage ta muestra un resultado di AWG 18 miyon. Considerando e aumento di turismo, CAft ta spera cu e resultado lo ta mas halto na final di 2024.

Por ultimo, CAft ta indica cu Aruba hunto cu Hulanda dos bes pa aña ta designa, cu recomendacion di CBS di Aruba y cu ayudo di CBS di Hulanda, prome cu di 1 di april, cual organisacion lo forma parti di e sector colectivo den e aña presupuestario nobo. E sector colectivo pa 2024 no a wordo aproba ainda pa e minister di Asuntonan Interno y Relacionnan di Reino (BZK). CAft ta yama atencion riba e importancia di un metodo cla pa Aruba, Corsou y Sint Maarten.

Tabel 2: Overzicht resultaat collectieve sector (in miljoenen AWG)¹⁰

	1e UR 2022	1e UR 2023	1e UR 2024	BW 2024
Financieringssaldo land (A)	-57	-	70	165
Exploitatie	-62	-4	63	170
Kapitaaldienst	5	4	7	-5
Resultaat entiteiten (B)	18	30	62	46
AZV	-8	5	13	27
SVb	5	11	32	53
ATA	13	15	18	0
Serlimar	9	-1	0	0
SEPB	-0.2	0	0	0
UA	-0.3	0	0.1	-1
Correcties ¹¹	0	0	-0.2	-33
Collectieve sector (A+B)	-39	30	132	211
Tekort/overschot (% bbp)	-0,6	0,4	1,8	2,9
bbp ¹²	6.303	6.655	7.284	7.284

Bron: eerste uitvoeringsrapportages 2022-2024 en BW 2024 van Aruba.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)

Angenette Figueroa (closer editor)

Leo Maduro

Andreina Morillo

Raisa Montilla

Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)

Pablo Libre

Press

Roland Schenker (Hefe)

Omar Ramirez

Martin Boekhouth

Francis Dirksz

Colaboracion

Associated Press

Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800

Email: noticia@bondia.com
aviso@bondia.com
info@bondia.com

Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Campaña ta temporada di *Promesa sin compromiso...*

Mientras tabata circula algun rumor tocante usurpacion di cartera di e ministro nan di e junior partner den e coalicion, den conferencia di prensa promer ministro a apacigua e inquietudnan ey, declarando cu no tin ningun tipo di 'take-over' di cartera di ministro. Esey ta parce nos logico tambe ya cu e problema cu a conduci na caida di gobierno no tabata den gobierno, sino den parlamento y e posicion di partidonan di coalicion den e confrontacion. Naturalmente tur esaki ta bin hunto cerca e persona di promer ministro cu ta tambe lider di partido, y e persona cu finalmente mester a carga e decision di bay entrega retiro cerca Gobernador. Laga nos spera cu cada ministro en berdad keda eherce nan responsabilidnan manera mester ta y atende tur asunto cu ta apto pa maneha y implementa den e periodo demisionario aki.

Cu esey tur posible problema a keda kita for di caminda? No, pero lo ta logico cu, mientras tur hende ta den campaña electoral, no ta surgi diferencia di opinion tocante cierto proyecto o plan, pasobra e ora lo mester scoge pa para esaki, pasobra no ta factible implementa esaki bao di e titulo di 'asunto coriente' ('lopende zaken'). Lo mester laga esaki pa e siguiente gabinete, a menos cu consulta cu parlamento y haya aprobacion pa ehecuta di cierto manera cu pa tur e ministerionan involvi ta aceptable. Pero, lo puntra tambe: lo tin caso asina unda ministerio(nan) ta den desacuerdo tocante implementacion? Sigur cu si y no ta trata solamente di trabao o asunto cu ta toca un ministerio directamente. Nos a mira caba cu un asunto manera e pleito cu e taxistanan, cu ta regarda un solo ministro, a conduci na metemento di varios otro mandatario, hasta declarando publicamente contra nan colega di coalicion pa su maneho, y pakico? Pasobra el a toca interes politico di e partner di coalicion cu lo semper defende cualkier grupo cu tin relacion fuerte cu nan partido. Y kico ta e resultado di e metemento aki? Cu ta yega na un acuerdo intermedio cu no ta resolve e problema di un manera contundente, cu no ta satisface esun cu lo desea cu e profesion di taxista ta habri pa tur ciudadano y mas bien tin tendencia di continua e politica di faboritismo pa calma nervio di e famianan taxista cu ta desea proteccion di un supuesto 'derecho', mucho menos eterno, cu nan tin pa prolonga permiso den famia. E derecho ey no ta existi den e ley di transporte publico, loke si ta existi ta e posibilidad di reemplazo temporal di esun familiar cu tin e permiso.

Algo similar lo por sucede proximamente

atrobe. Recientemente e dos mandatarionan di e junior partner a anuncia un proyecto di mehoracion pa San Nicolas. Aunke ta parce cu a primera vista tur cos ta OK pa nan dal bay cu e proyecto, por kere cu meymey di un campaña electoral no ta bin un reaccion di e partner mayoritario, pa defende su base di apoyo den un parti asina importante di nos isla? Si, nos sa cu San Nicolas ta solamente importante den campaña, pero ta net den esey nos ta awor... Tur e tempo no a sucede mucho den e lugar aki, pero awor de repente cada partido ta bin trece su propio promesa pa drecha e lugar. Asina nos ta mira e 'comeback' di e proyecto di fast ferry pa conecta nos cu e bisiñanan insular mas cerca, cu pa nos nunca a haya e contesta corecto riba e preguntanan clave. Manera e inquietud si lo tin suficiente volumen di hende y mercancia pa hustifica un proyecto asina. Nos a tuma nota cu e parti di carga lo ta insuficiente, pero cu e parti di persona y nan vehiculo si lo ta viable. Sin embargo, no a aparece ningun dato o cifra di credibilidad y por lo tanto, por lo pronto, esaki ta keda un interrogante grandi. Lo ta bon si esunnan cu ta campaña cu e asunto aki duna mas informacion concreto, sino esaki tambe ta bay bunita asina den nos 'vitrina di ilusion politico', cu ta hopi yen caba...

Otro parti inevitable di desaroyo di San Nicolas ta e tereno di refineria y kico lo ta bay tuma lugar, of no, riba e area extenso aki. E actual ministro encarga cu asunto di energia a yega na propone un serie di alternativa pa e refineria, di cual ningun na e momento aki ta indica algun grado di probabilidad. Nos ta cuminsa tende e promer sonidonan di aceptacion cu rehabilitacion di e refineria, den e mundo aki, ta imposible. Ademas e otro propuestanan, di gas natural y hidrogeno, tambe a keda na mero anuncio di 'loke lo bay haci'. Ora nos no solamente scucha e propaganda di esnan interesa den propaganda, pero ta dispuesto di informa nos mes con negoshi internacional riba e terenonan aki ta anda, nos por conclui cu no tin perspectiva favorable pa e sectornan aki na Aruba.

Tin tambe un plan pa reactiva e centro comercial di San Nicolas. Nos lo apoya cualkier plan pa San Nicolas cu ta demostra realismo, tumanando na cuenta con dificil ta pa establece negoshi, si no tin un plan serio di concentracion y aumento di poder di compra cu mester yuda tanta esaki atrobe. Trece mas turista, den un hotel 'all inclusive' ta solamente un inicio timido, cu ademas no ta atende e problemanan proximo di escasez di vivienda, un problema existente caba. Nos no ta mira contesta contundente pa esaki, pero ya, esey ta campaña...

En bes di Plataforma Pais,

Otmar Oduber ta tuma partido PPA over pa bay eleccion

E siman aki tabatin hopi speculation tocante e futuro politico di Otmar Oduber, despues cu a keda confirma cu su plataforma politico Pais no lo bay proximo eleccion. Diamars, Oduber a confirma cu el a tuma over partido PPA.

Papiando cu noticiero online NoticiaCla, Oduber a bisa cu el a keda cla cu e tramite y a confirma cu ta tuma PPA over. “Mi tin e honor di por carga e partido, cu den su gloria tabata e partido mas grandi cu Aruba a yega di conoce, y lant’e back hacie e partido patriotico di orguyo y union na Aruba,” Oduber a bisa NoticiaCla. El a bisa cu e lo busca sosten y apoyo na cas di su mayornan den un reunion na Ponton.

Oduber a bisa cu ta apenas diamars atardi cu tur cos a keda cla pa e tuma e partido over y bay eleccion.

Plataforma Pais

Pa algun tempo caba ex-minister y politico Otmar Oduber a duna di conoce cu e lo drenta e arena politico un biaha mas cu un plataforma nobo, esta Pais. Sinembargo, Oduber a confirma cu su plataforma nobo, Pais, no a logra keda inscribi pa e eleccionnan di e aña aki y pues e no lo ta participando den eleccion cu e plataforma aki.

Oduber a indica na NoticiaCla cu ta tuma un decision riba nivel personal y familiar. “Diaranson lo tene un reunion cu mi hendenan y participa esaki na nan pa nan pensamiento y diaranson mes lo participa esaki a comunidad,” el a bisa na e portal.

Sinembargo, awo el a informa cu Plataforma Pais lo sigui existi como Plataforma



y fungi como think tank di e partido politico.

Agun tempo atras rumornan tabata circula cu Sr. Oduber a ser acerca pa personanan cerca di partido MEP pa discuti traha hunto den e partido aki. Lider di MEP durante un conferencia di prensa a clarifica cu e no tin motibo ni intencion pa acerca señor Oduber tampoco pa papia cune.

“Mi no a papia cu Señor Otmar Oduber riba e tema aki, mi no tin motibo pa hacie y lo mi no hacie tampoco. Y absolutamente ningun hende den MEP tin mandato pa papia cu Otmar Oduber pa subi lista di MEP,” e mandatario a enfatisa.

Pa mas di cuater aña caba Oduber ta pendiente pa cera e pagina pa loka ta trata caso Flamingo, den cual e ta sospechoso principal. Despues di a bay varios biaha corte y sali cu denuncianan di abuso cometi den e caso aki, na comienso di augustus corte a informa Oduber cu e tratamiento di caso flamingo lo cuminsa dia 17 di november y ta spera cu pa dia 2 di december esaki lo yega su fin.

“Mi lo a prefera claro pa e caso cuminsa mas prome, pero despues di ta wardando

mas cu cuatro aña caba, e tres luna aki mi ta kere lo pasa lihe y asina mi por defende mi mes di e acusacionnan sin base aki”, asina Oduber a declara den e comunicado.


AVP

Oduber a tuma su prome stapnan den politica den “Hubentud Activo y Consciente (HAC)”, e hala hubenil di AVP. El a subi lista di AVP como suplente na 1997. Entre 2001 y 2009 e tabata miembro di Parlamento di Aruba. Na 2009 el a keda nombra minister di Turismo y Transporte den e prome gabinete di Mike Eman. El a mantene e mesun cartera den segundo gabinete di Mike Eman, te ora cu el a renuncia dia 3 di november na 2016 pa motibo di un lucha interno pa poder cu algun otro minister. E siguiente aña, el a funda un partido nobo, POR.

POR

Den eleccion di september 2017, POR a obtene dos asiento, y a opta pa forma un gobierno di coalicion cu MEP y ReD. Den Gabinete Wever-Croes I, Otmar Oduber a fungi como minister di Infraestructura y Medio Ambiente. Sinembargo, dia 17 di september di 2019 el a anuncia cu e tabata retirando di politica activo, retirando di su cargo como minister dia 12 di december 2019. E tempo ey, tabatin varios acusacion di corrupcion den su contra relaciona cu caso Flamingo. E anuncio aki a sorprende un gran parti di nos comunidad, te hasta su hendenan mas cerca di dje. Tabata circula hopi rumor rond di e decision aki.

Segun e Oduber, el a planifica un salida for di politica diferente na cualkier otro circunstancia y politiconan den pasado. El a bisa e tempo aya cu e tabata convenci cu e ta



retira for di politica den su miho momentonan, mirando e trabao cu a wordo haci y e aceptacion den comunidad. Otmar Oduber tabata un di e politiconan mas mediatico y popular durante e delaster decada.

Oduber a cuminsa politica cu 23 aña. No solamente el a dedica 22 aña so den politica, pero 18 aña di nan el a yega di haci e den un posicion ehecutivo of legislativo. “Cu ta consumi bo y absorbe bo hopi pisa,” e ta admiti.

PPA

Na april di 2021, partido PPA a anuncia un lider nobo, esta Lissette Malmberg, cu a lidera e pais den eleccion. Esaki despues di fayecimento di Benny Nisbet, kende a lidera PPA pa mas cu 50 aña. Sinembargo, Malmberg no a logra gana un asiento pa PPA, y na januari 2023 a anuncia su retiro for di politica. “Na ki momento bo a stop di kere den bo mes? Unda bo a acepta e mentira cu cos no por, no lo cambia? Unda bo a entrega na cansancio y desapunto y bo a laga otronan

tuma e rienda di bo destino y hiba bo unda bo no kier bay?” el a skirbi den un carta dirigi na pueblo di Aruba. “Mi a kere, mi a spera cu bo tabata cla pa un cambio di rumbo pa traha hunto pa restructura, reforma pa asina transforma nos nacion y reconstrui e caminda pa nos destino.”

Malmberg a bisa cu el a pensa “cu por ta for di “paden” den politica lo ta posibel pa trece un diferente forma di pensa, un cambio den nos liderazgo y gubernacion. Mi a tuma curashi pa drenta un area cu poco den sector priva kier drenta, pero mi no a realisa kico ta rekeri pa ta exitoso den politica na Aruba, y mi tin cu admiti cu ami no ta e persona indica pa esaki, pasobra mi contribucion y influencia ta miho inverti trahando den e area civico y social. Mi a conclui cu e ta tuma responsabilidad di cada un di nos como ciudadano y residente pa transforma un nacion. E no ta solamente un responsabilidad politico.” Asina el a anuncia cu e lo bay back na su trabao filantropico y den sector priva.

Bij beschikking van 13 september 2024 van het Gerecht in Eerste Aanleg van Aruba, behorend bij nr. AUA202402992, is mevrouw ANSUNCION CORREA, geboren op 5 december 1943 in Aruba, wonende in Aruba, onder bewind gesteld, met benoeming van de mevrouw Armindah Mireille Asuncion MEEUWISSE-BUNSEE tot bewindvoester.

Volgens artikel 1:380, eerste lid, Burgerlijk Wetboek van Aruba, in combinatie met de beschikking van het gerecht, werkt de provisionele bewindvoering met ingang van de dag waarop zij is uitgesproken.

De advocaat,
mr. Z.J.S. Soekandar


REP DE CUBA

Aliansa global di vacuna Gavi lo cumpra 500,000 dosis di vacuna contra mpox

(AP)—E aliansa di vacuna global Gavi lo cumpra 500,000 dosis di vacuna contra mpox pa combati brotenan di e malesa den paisnan Africano, segun e organisacion a bisa diaranson.

E dosisan di vacuna—fabrica pa e compania Danes Bavarian Nordic—lo ta disponible e aña aki, Gavi a bisa, sin duna fechanan specifico.

Gavi a bisa cu e costonan completo, incluyendo transportacion, entregamento y administracion di e dosis, contando pa 50 miyon dollar, lo ser cubri pa e Fondo di Respuesta Primario di e grupo, un mecanismo financiero



crea na juni 2024.

Desde e comienso di aña, tabatin 250,000 caso di mpox confirma y 723 morto relaciona, e mayoria di cual a tuma luga na Congo, y OMS

a declara esaki un emergencia di salud global.

Te awo Congo, e epicentro di e emergencia global, a ricibi solamente 250,000 dosis di vacuna, dona pa Union Eu-

ropeo y Merca. E 250,000 dosis ta solamente un fraccion chikito di e 3 miyon dosis cual autoridadnan a bisa ta necesario pa caba cu e brote di mpox den e pais.

Paisnan den UE a priminti pa dona mas cu 500,000 otro, pero e periodo pa nan entrega no ta claro ainda.

Songo a suministra un aprobacion di emergencia di e vacuna, cual ya a ser usa den Europa y Merca den adultonan. Adultonan na Equateur, South Kivu y Sankuru, e tres provincianan mas afecta den Congo, lo ser vacuna prome cuminsando dia 2 di october, segun Cris Kacita Osako, coordinador di e Comité di Respuesta contra Monkeypox na Congo, a conta AP. Pa awo, e suministracion lo ta reserva pa adultonan, cu gruponan di prioridad incluyendo esnan cu a bin den contacto cercano cu hende infecta y trahadornan sexual. E anuncio di Gavi ta bin al-

gun dia despues cu OMS a bisa cu el a aproba su prome autorisacion pa e uso di un vacuna contra mpox den adultonan, yamando esaki un stap importante pa dilanti pa combati e malesa den Africa. El a haci'e posible pa donantenan manera Gavi y UNICEF cumpr'e. Pero e vacuna ta limita pasobra tin solamente un fabricante.

“E prome (autorisacion) di un vacuna contra mpox ta un stap importante den nos lucha contra e malesa, ambos den e contexto di e brotenan actual na Africa y den futuro,” segun director-general di OMS, Tedros Adhanom Ghebreyesus.

Siman pasa, e centro Africano di control y prevencion di malesa y OMS a lansa un plan di respuesta den e continente pa e brote di mpox, tres siman despues cu OMS a declara e brotenan den 12 pais Africano como un emergencia global.

Grado di vacunacion di mucha na Den Haag a cay, resultando den medidanan preciso

(NLTimes)—E cantidad di mucha completamente vacuna na Den Haag ta sigui cay, y e grado di vacunacion ta hopi abao den varios distrito, segun consehal responsable Hilbert Bredemeijer a reporta. E municipalidad ta tumando extra medida pa purba haya mas mucha vacuna, pero ta tempo pa e gobierno nacional realisa e urgencia di e problema aki, el a bisa.

E distrito di ciudad Centrum ta para ultimo riba lista pa tur tipo di vacunacion, segun e bureau di estadistico di e municipalidad a publica dialuna. Den e bario Groente- y Fruitmarkt, cual tambe ta bay bao distrito Centrum, menos di 45 por ciento di mucha a ser completamente vacuna. E grado di vacunacion den barionan manera Transvaal y Schilderswijk tambe ta abao.

E Organizacion Mundial di Salud (OMS) ta recomenda un grado di vacunacion di rond di 90 por ciento pa proteccion efectivo contra brotenan di malesa. E districtonan Escamp y Laak tambe ta leu for di e obhetivo aki. Ademas di e hecho cu menos mucha ta ser vacuna, e cantidad di hende muhe na estado hayando vacuna prome cu duna luz pa proteha nan baby contra malesanan manera tos fe-



rina tambe ta cayendo.

Consehal Bredemeijer ta sorprendi pa e cifranan recien. “Cu un grado di vacunacion asina abao, Den Haag y otro ciudadnan a cay atras, y muchanan ta den mas riesgo di ser infecta cu malesanan contagioso,” el a bisa.

E municipalidad ta colaborando cu parteranan pa informa hende muhe na estado tocante e vacunanan y, si ta desea, vacuna nan na e practica di parteria mes. Un ekipo di vacunacion tambe lo bishita un scol secundario den e distrito di Transvaal pa duna studiantenan cayan e oportunidad pa haya nan

inyeccion.

Sinembargo, segun Bredemeijer, esakinan ta djis medidanan chikito pa un problema nacional. Manera el a haci varios bes prome, e consehal a urgi e gobierno nacional pa tuma accion. “E gabinete no tin mas opcion cu reconoce cu e situacion a bay for di man,” e cifranan aki ta inaceptable, muchanan ta core riesgonan enorme. Ciudadnan mas grandi mester mas sosten y mi ta haci un apelacion urgente na e gabinete: por favor tuma accion y yuda municipalidadnan pa proteha mucha contra malesanan contagioso.”





TA BUSCA SERVICE ADVISOR

YAMA

582-3055

PA MAS INFO



**ARUCAR BODY SHOP TA BUSCA
UN SERVICE ADVISOR PA JOIN NOS TEAM.**

RESPONSABILIDAD DI TRABOW:

- » INSPECCIONA, ANALIZA Y EVALUA VEHICULONAN ACCIDENTA PA TRAHA UN QUOTA
- » TRAHA JOB ORDERS, PLANIA CITA Y FOLLOW UP CU AGENCIA DI AUTO Y SEGURO
- » FOLLOW UP CU CLIENTE FOR DI CUMINSAMENTO DI E REPARACION TE ENTREGA DI E VEHICULO
- » ABILIDAD NAN EXCELENTE DI COMUNICACION CU CLIENTE

EXIGENCIANAN:

- » EDUCASHON TECNICO (MTS / EPI)
- » 3 AÑA MINIMO EXPERENCIA DEN RAMO AUTOMOTRIZ
- » TIN DOMINIO DI PROGRAMA DI MANERA OUTLOOK, WORD Y EXCE
- » POSEE RIJBEWIJS VALIDO (B)
- » TIN HABILIDAD PA COMUNICA VERBAL Y POR ESCRITO DEN PAPIAMENTO, INGLES, Y HULANDES
- » MESTER POR TRAHA BOU PRESION Y CU DEADLINE

Interesa? Pa mas informacion tuma contacto cu nos via email na hrrm@jolleyholding.com of jama (297) 528 9550 prome cu 20 di September 2024. Tur informacion ta wordo manteni confidencial.



A pone 80 miyon florin un banda pa fortalece economia di islanan den Caribe

(CuracaoChronicle) – E memorandum di presupuesto nobo ta inclui un alocacion di 80 miyon euro cu meta di fortalece e sector economico den e partinan Caribense di e Reino, segun e Ministerio di Interior y Relacionnan di Reino.

E enfoka di e iniciativa aki ta riba mehora autosuficiencia riba e islanan, garantizando participacion igual pa Boneiro, Saba y Sint Eustatius,



conhuntamente cu e otro partinan di e islanan Caribense. E 80 miyon euro lo ser dirigi na 3 proyectonan grandi: e construccion di un waf nobo na Saba, mehoracion di infrastruttura na Boneiro y mehora seguridad di cum-

inda pa tur 6 isla. E fondonan lo keda distribui di e manera aki; 40 miyon euro pa crea un waf cu por wanta horcan y dura den futuro na Saba, 16 miyon euro pa mehora Boneiro su red di cayanan, y 24 miyon euro pa reduci e islanan su dependencia riba importacion di cuminda. E Ministerio di Exterior a enfatisa cu e alocacion aki ta anticipa di fortalece seguridad di cuminda pa e islanan den e ananan binidero. Ademá, e memorandum ta

delinea otro prioridadnan, manera logra yega finanzas publico coherente, un gobierno fuerte, servicionan publico eficiente, desaroyo economico y un educacion mehora. 30 miyon euro mas lo keda aloca den 2025 pa sostene e metanan aki.

Adicionalmente, e gobierno Hulandes lo provee 70 miyon euro pa asisti Aruba, Corsou y Sint Maarten den fortalece seguridad publico y implementacion di ley.

Miyones aloca pa seguridad y resocialisacion den Fondo di Prevencion di Crimen

(CuracaoChronicle) – Fondo di Prevencion di Crimen di Corsou tin mas di 60 miyon florin den banco y tin 43.4 miyon florin disponibel e aña aki pa inverti den proyectonan pa combati crimen.

Esaki a keda enfatisa den e Ministerio di Husticia su plan di politica pa aña 2024. Mas di 15 miyon florin ta poni un banda pa cubri e obligacionnan.

E fondonan lo ser distribui den varios proyecto enfoca riba mehora seguridad, preveni crimen y re-socialisa ex prizoneronan. Fondo di Prevencion di Crimen ta prim-



eramente financia pa boetnan y e benta di bienes confisca. Den aña 2024, e fondo lo duna sosten na varios prioridad, incluyendo e programanan di prevencion y proyectonan cu ta tuma accion contra crimen hubenil.

E Minister di Husticia a dicidi di inverti significantemente den programanan cu ta yuda ex detenidonan bolbe drenta sociedad, conhuntamente cu medidanan contundente. Esaki ta inclui programa cu e meta di guia ex prizoneronan den e mercado di labor y te

hasta cuminsa nan propio negoshi.

Varios proyecto grandi a ser stipula pa fondo den 2024. Por ehempel, 8.4 miyon florin a ser reserva pa fortalece forza policial di Corsou KPC.

Adicionalmente, 2.5 miyon florin lo keda inverti den proyectonan di movilidad y re-socialisacion dentro di e prizon SDKK. JJC lo ricibi 1.4 miyon florin pa mehora training y movilidad, cu un enfoka riba re-socialisacion.

Otro proyecto importante ta e mehoracion di vivienda y digitalisacion pa Landsrecherche, pa cual 1.5 miyon

florin a ser aloca. Ademá, 2.1 miyon florin lo ser inverti den expande camaranan di vigilancia riba e isla, un medida clave den combati crimen.

E fondo tambe ta inclui proyectonan den termino largo. Esaki ta inclui inverti den prevencion di contrabanda di hende (500,000 florin) y tin plan pa mas fortalecimiento di Departamento di Bombero su infrastruttura, cu 6.7 miyon florin reserva. Tur e esfuersonan aki tin e meta di contribui na un Corsou mas safe, enfocando ambos riba prevencion di crimen y implementacion.

Organisacionnan di Husticia tin dificultad pa implementa recomendacionnan di conseho pa implementa ley

(CuracaoChronicle) – Varios organisacion di husticia na Corsou ta keda atras den implementa recomendacionnan di Raad voor de rechtshandhaving. Un estudio follow-up recién haci pa e conseho a revela cu solamente algun organisacion a completamente atende e recomendacionnan, mientras cu mayoria ta experienciando atrasonan significante.

E estudio ta indica cu Ministerio Publico (OM) a implementa e porcentahe mas halto di recomendacion cu 73%, sigui pa ORV cu 45%. Den contraste di esaki, e clinica pa adiccion Brasami a haya e puntuacion mas abao, implementando solamente 17% di e recomendacionnan, lagando 83% sin atende.



E Conseho ta identifica problemanan grandi cu ta contribui na e atrasonan aki, particularmente un escasez di empleado y recursonan financiero. Por ehempel, Brasami a enfrenta un reduccion di mas di 700,000 florin den subsidio entre 2018 y 2021. E falta di fondonan aki ta stroba e organisacion su habilidad

di implementa recomendacionnan y mehora su servicionan.

Na JJIC, e centro di detencion hubenil, e progreso riba implementa recomendacionnan tambe ta para. Un ordenansa crucial nacional cu ta delinea e responsabilidnan di institucion te ainda mester ricibi

aprobacion di Ministerio di Husticia, resultando den un falta di financiamiento suficiente pa proyectonan esencial di construccion.

Wardacosta y Lndsrecherche Curacao (LrC) ta experimentando problemanan similar. Mientras cu wardacosta a mira algun progreso, cu 55% di e recomendacionnan implementa, comparti informacion cu partnernan ta keda un preocupacion. LrC ta keda atras a causa di un legislacion, cual ta preveni mehoracion den organisacion critico di ser haci.

Probation Service ta otro area di preocupacion, cu solamente 33% di e recomendacionnan implementa y un cantidad di 67% sin atende. Di mesun manera cu otro organisacionnan, escasez di

empleado ta un obstaculo grandi. E cambionan legal ta necesario pa formalisa e organisacion te ainda mester keda estableci.

Den respuesta na e estudio, e Conseho ta enfatisa e urgencia di atende e problemanan aki. “E ta problematico pa asina hopi recomendacion te ainda keda sin implementa. Varios di e problemanan aki ta relaciona na un falta di recurso y maneho. Nos ta urgi e agencianan involucra tuma e problemanan aki na serio y tuma accion,” vocero di e Conseho a bisa.

Mirando padilanti, e Conseho ta enfatisa cu e problemanan dentro di e cadena di husticia no lo soluciona nan mes sin un cambio structural y ta rekeri di un miho alocacion di fondo.

Mayoria Hulandes lo mira un aumento di poder di compra di entre €1 y €50 bao plannan di Gabinete nobo

(nltimes.nl) – Mayoria di hogar Hulandes lo beneficia di entre 1 y 50 euro pa luna debi na e plannan di gobierno nobo, Instituto Nacional pa Informacion di Finanzas Familiar (Nibud) a bisa. Mayoria di hende cu ta traha pa nan mes y algun pensionado lo sinti manera nan habilidad di gasta lo baha otro aña debi na e plannan, pero mayoria cas lo mira un aumento leve di poder di compra di menos cu 1%.

“Nos ta mira hopi bentaha chikito y algun desbentaha,” director di Nibud Arjan Vliegenhart a bisa despues cu calculacionnan basa riba e declaracion di presupuesto di Gabinete a keda presenta diamars. “No mucho lo cambia den e poder di compra di

e casnan a menos cu nan tin cambionan personal significante, naturalmente. Pero e Gabinete aki ta cuminsa cu cautela; nos lo mira solamente parti di e alivio di belasting anuncia.”

Sinembargo, Nibud ta mira cu e gobierno ta construyendo riba cambio- y plannan haci anteriormente den subsidio y beneficianan social. “Bo ta mira esey den un sentido positivo den e compensacion di huur pa 2025. Pero hopi hende lo a gasta caba e algun decenas di euro cu nan por gasta prome cu nan realisa esey.”

Ta anticipa un aumento di salario promedio di 4.3% di un acuerdo colectivo otro aña, pero e costo di producto y servicio probablemente lo aumenta tambe cu alrededor di 3.2%. E prima basico di

seguro medico tambe lo subi cu 10 euro pa luna, mescos cu aña pasa.

Como resultado, casnan cu ta ricibi un salario mas halto lo no tin realmente placa extra sobra, Nibud ta anticipa. Cambionan riba e parti di belasting tambe ta segura cu e aumento den poder di compra hopi biaha lo ta menos cu 1%. Trahadonan cu no lo gana mesun hopi kizas no ta ni mira nan poder di compra aumenta cu e cantidad ey.

Lo agrega un bracket nobo di impuesto riba entrada, pero e bentaha di esaki lo keda limita of hasta lo por ta un desbentaha pasobra, na mesun momento, e credito di impuesto general lo baha. Segun Nibud, trahando mas ora lo duna un entrada neto mas halto pa casnan na e salario minimo otro aña.

Nibud ta mira tiki cambio den beneficianan cu excepcion di e compensacion di

huur. Na 2025, casnan multipersona bou di e edad di pensioen estatal di AOW tambe por haya un parti di e huur riba e limite di recorte reembolso.

E subsidio pa cuida di salud lo aumenta cu 6 pa 7 euro pa personanan cu un entrada abou. Pero si seguro di salud ta 10 euro mas caro cada luna otro aña, e ora ey e subsidio di cuida di salud no lo mitiga e aumento ey completamente

UE ta bisa cu e opt-out di asilo Hulandes no ta bay sucede pronto

(nltimes.nl) – Comision Europeo no ta spera cu e tratado di asilo di UE lo ser cambia lihe pa duna Hulanda un opt-out (opcion pa no participa), un vocero a bisa ANP. Te ora esey sucede, e reglanan di UE pa asilo y migracion “ta keda obligatorio pa Hulanda.”

Hulanda tin un “obligacion moral” pa tuma hende cu ta huy di guera, violencia, y opresion, lider di GroenLinks-PvdA, Frans Timmermans a bisa riba e prome dia di e debate riba presupuesto. El a sugeri pa restringi migracion laboral y migracion di estudiante pa segura cu tin espacio pa hende cu ta busca seguridad na Hulanda. Mas trempa diaranson, minister di Asilo Marjolien Faber a informa Comision Europeo oficialmente cu Hulanda kier un opcion di opt-out di e politica di asilo di UE. Vocero di e Comision a confirma cu a ricibi e carta. “Nos no ta spera cu e tratado di UE lo wordo cambia lihe,” e vocero a bisa.

Hulanda mester “semper tin espacio pa hendenan cu ta bati na nos porta pasobra di otro manera nan lo wordo asesina of cera,” Timmermans a bisa den e debate parlamentario. E ta dispuesto pa

papia tocante migracion pa asilo, “pero si bo kier papia tocante migracion, bo mester papia tocante henter e asunto di migracion.” Esey mester inclui e “cantidadnan hopi, hopi mas grandi cu ta bin aki pa traha.” Especialmente pasobra trahadonan migrante hopi biaha ta caba na wordo explota den “industrianan cu nos mester disciplina,” Timmermans a bisa, segun ANP.

E Gabinete por wak tambe con pa limita e migracion di estudio prome cu stop hende di busca seguridad na Hulanda, e politico isquierdista a bisa. El a urgi e Gabinete y partidonan di coalicion pa “tuma un posicion den palabra y hecho contra e deshumanizacion di refugiadonan, solicitantenan di asilo y migrantenan.” Timmermans: “Nos ta papiando di hende.” Lider interino di NSC Nico- lien van Vroonhoven tambe a bisa diamars cu migracion laboral y migracion di estudio ta mas urgente pa su partido. Pa loko ta trata NSC, migracion di asilo ta bin “di tres den e fila” di asuntonan pa atende. E NSC tambe a lanta e plumanan di su partnernan di coalicion siman pasa bisando cu e lo sostiene solamente declaracion di un crisis di asilo si e Consejo di Estado ta kere cu e ta un bon idea.

ANUNCIO RELACIONA CU MATRIMONIO DI MESUN SEXO

Banco di Seguro Social, SVb, basa riba sentencianan reciente di:

- Corte den Prome Instancia di Aruba;
- Corte Comun di Husticia di Aruba, Curaçao, St. Maarten, Boneiro, Saba y St. Eustatius;
- Corte Supremo di Hulanda;
- Colegio di Apelacion di Aruba.

Ta invita tur persona cu desde 1 di mei 2021 pa e fecha actual ta considera di tin derecho riba:

1. Pensioen di biehes (AOV) pa pareha, pa motibo di a alcanza of tabata tin edad di pensioen den e periodo menciona y ta of tabata casa cu un persona di mesun sexo cu no a yega edad di pensioen;
2. Pensioen di viudes, pa motibo di tabata casa cu un asegurado di mesun sexo y cual a fayece den e periodo menciona.

Pa entrega nan aplicacion pa pensioen via nos app MiPensioen of por tuma contacto cu nos departamento di Pensioen via telefon 5272760, via email pensioen@svbaruba.org, of via Whatsapp +2975272760 (no por yama).

Desviando di articulo 11 inciso 3 di ley di AOV y articulo 15 di ley di AWW, SVb lo ta aplicando un areglo di transicion te cu 31 di december 2024.

E maneho relaciona cu e topico aki ta disponibel riba nos website svbaruba.org/matrimonio.

Sea asina bon di tuma bon nota di e anuncio aki.

Aruba, 17 di september 2024

Director di SVb
ir. Edwin M. Jacobs



SEGURIDAD PA ARUBA SU COMUNIDAD

Protesta riba abuso sexual di un mucha di 10 aña a caba den disturbionan na sur di Bogota

(Infobae) – Durante diamars anochi di 17 di september a informa di algun disturbio dilanti di institucion educativo Arborizadora Alta, ubica na localidad di Ciudad Bolivar di Bogota, despues cu e habitantenan di e sector a protesta pa e caso di un mucha di 10 aña cu tabata victima di abuso sexual paden di instituto educativo ey un dia prome.

Aunke cu e manifestacionnan a cuminsa den oranan di mainta, riba yamada di e mesun comunidad, den oranan di anochi a raporta algun disturbio den e area, pues miembronan di e Unidad di Dialogo y Mantencion di Orden (Undmo) di Polis mester a acudi na e sitio pa controla e situacion.

Hustamente den e cuenta di Facebook di e comunidad educativo di e scol den cual ta afirma cu e caso despreciable a sucede, a rechasa cu algun di e manifestantenan a haci esaki contra e facilidadnan di e luga.

“Laga nos corda cu nos scol ta un espacio sagrado unda nos a crece y siña pa hopi aña.



Nos no por permiti violencia y vandalismo dañá nos cas educativo. E fachada di nos scol a keda mancha pa algun alumno, y nos a conseha pa tuma medidanan pa esaki no keda sin castigo,” nan a publica diamars anochi.

Den e mesun comunicado nan a indica cu pa loke ta trata e supuesto incidente di abuso sexual contra e menor “e entidadnan necesario ta apoyando e famia di e victima, y nos, como comunidad di estudiante, mester uni pa muestra

nos sosten”, pero nan a insisti pa no tin mas atake contra e sede di e scol.

Te na e momentonan aki autoridadnan no a referi na e complicacionnan di orden publico cu a sosode durante anochi dilanti di e instituto di enseñansa caminda ta informa cu e sucesonan a sosode.

E actonan di violencia sexual contra e menor a sosode dialuna ultimo, dia 16 di september, ora cu e mucha chikito a bay den baño du-

rante e dia di scol, eyan un hende a gar'e for di patras y despues di a abusa di dje, segun un di su familiarnan a bisa den programa di noticia di television Citynoticias.

E menor di edad a conta kico a pasa memey yoramento, ora su sernan keri a bay busk'e na e institucion educativo, despues cu el a sufri e crimen despreciable contra su libertad, integridad y formacion sexual.

Un bes cu e situacion a bira

publico, Secretario di Enseñansa di Bogota a emiti un comunicado den cual nan a indica cu e protocolnan a ser activa pa atende e incidente aki di abuso sexual, cu ta inclui cuidu interinstitucional.

Den e mesun carta ey nan a invita ciudadanonan pa expresa nan rechazo, pero sin acudi na “violencia”, como tambe “permiti” e autoridadnan pa realisa e investigacion y procesonan hudicial correspondiente.

Congreso a impedi pa presidente di Peru participa den Asamblea General di Nacionnan Uni

(Infobae) – Congreso di Republica a nenga autorizacion na presidente Dina Boluarte pa biaha pa Merca pa participa den e proximo Asamblea General di Nacionnan Uni (ONU).

En total, 55 legislador a vota contra, 50 na favor, y cinco a abstene den e ultimo sesion di e sesion plenario cu a tuma luga diamars ultimo, dia 17 di september.

Prome cu e biahe pa exterior a ser discuti, legisladornan di varios grupo a enfatisa su Gobierno mester enfoca su atencion riba e lucha contra candela di mondi na Amazonia.

Sin embargo, Alex Paredes, di Bloke Magisterial, a presenta un reconsideracion pa medio di un carta dirigí na presidente di Poder Legislativo, Eduardo Salhuana. Pues, e decision final por cambia ainda.

Gruponan parlamentario dere-



chista y di centro tabata dividi ora a vota riba salida di Dina Boluarte for di e pais pa exterior. Solamente Fuerza Popu-

lar y Alianza para el Progreso a vota casi completamente como un bloki.

Ex-minister di Asuntonan Exterior, Miguel Rodriguez Mackay, a lamenta e decision di Congreso pa no a duna permiso pa presidente participa den e “reunion multilateral mas importante na mundo.”

“Nos tin cu wak cosnan obhettivamente, e nengamento di biahe, den mi opinion, ta impacta e propio interesnan di e Estado Peruano manera nan tabata como nacion miembro di e comunidad internacional y consecuentemente ta impacta e imagen di Peru, naturalmente riba e presidente mes, es decir, tin un cadena di impacto, pero tambe importante e impacto riba e interesnan di Peru como miembro di e comunidad internacional,” el a menciona.

Ademas e ta corda cu Peru ta un di e 51 pais firmante di e Carta di Francisco, cu ta marca e fundacion di ONU na 1945.

“Ora problemanan interno ta di tal indole cu nan ta bira

insostenibel pa estabilidad y gobernabilidad, hasta e presidentenan mes ta abstene di bay. “Aki nos ta enfrentando un candela di mondi obvio di dimension, pero cu trabaonan tecnico specialisa e tabata bay wordo controla pasobra finalmente e biahe di e mandatario tabata di 21 pa 26 di september y awe ta 17 di september,” el a bisa.

Finalmente, Mackay a haci un yamado na parlamentarionan pa “recapacita, pa wak e desbentaha,” ya cu “Peru su interesnan ta riba calculacionnan politico.”

“Ta hopi importante pa mira, manera Basadre a bisa, e interesnan di Peru como e interesnan di Estado, cu ta superior na cualkier otro interes di e grupo particular,” el a destaca. Na Merca, Dina Boluarte mester a bay pa reunionnan cu hefenan di estado manera esnan di Ucrania, Paraguay, Finlandia y Estonia.

Cuba: Mas di 850 mil Cubano a yega Merca desde 2022

(CiberCuba) – Den e contexto di e crisis migratorio Cubano grave mas di 850 mil migrante di e isla a yega Merca desde 2022, segun e cifranan di e Oficina di Aduana y Proteccion Fronterizo (CBP).

Desde 1 di october di 2021 te cu e ciere di e aña fiscal 2023 alrededor di 533 mil Cubano a yega Merca, cifra cu ta ekivalente na un 4% di e 11.1 miyon di persona cu ta biba na e nacion Caribense.

Di su banda, desde 1 di october di 2023 te cu augustus di e aña aki mas di 208 mil solicitante di asilo a yega e pais a traves di e fronteranan. Na e cifranan aki mester agrega e 110 mil Cubano cu a wordo examina y autorisa pa biaha a traves di e parole humanitario den 2023 te cu luna di juli ultimo.

E cifranan tampoco ta inclui e entradanan di otro tipo di visa di cual no tin cifranan ofi-



cial disponibel, segun AFP a revela usando manera fuente datonan oficial.

E berdad ta cu e poblacion Cubano a cay entre 2022 y 2023 cu un 18%, y 2024 ta na caminda pa bira e di dos aña fiscal di afluencia mas grandi di Cubanonan na e frontera sur di Merca.

Datonan di CBP a confirma den augustus e tendencia cu nan a bin ta detecta desde april (memey di e aña fiscal 2024), ora cu e datonan tabata muestra un afluencia mas halto cu esun registra durante e lunanan di januari, februari y maart di 2023.

Yegando su final, e aña fiscal actual ta marca december

como e luna den cual mas encuentro di Cubanonan a tuma luga den puntonan fronterizo di Merca, cu 25.048 registra.

Loke ta hala atencion ta e cantidad di Cubanonan cu a wordo intercepta pa e autoridadnan riba lama of na costanan Mericano yegando e final di e aña fiscal actual: 65.911. E cifra aki ta obteni

na momento di kita for di e cifra total di encuentranan (208.308), e encuentranan cu a sucede na e frontera noord (362) y esunnan di e frontera sur (142.035).

Memey di luna di april, na bispo di celebra na Washington e di 38 Ronda di Combersacionnan Migratorio Cuba-Merca, e regimen di La Habana a reconoce cu e crisis migratorio actual ta esun “mas grandi di e historia di Cuba”, pero a culpa Merca pa esaki pa su politicanan di presion y pa incentiva e migracion Cubano cu “incentivonan extraordinario y artificial.”

Di nan banda e autoridadnan Mericano ta recorda ripitidamente cu e fronteranan no ta habri pa personanan cu no tin un fundamento legal pa drenta e pais, y cu esnan cu purba di haci esaki iregularmente por wordo sometí na expulsion conforme na loke ta estableci den Titulo 8.

Polis estatal di Ohio ta bay proteha scolnan di Springfield despues di conmocion pa inmigrantenan Haitiano



(DiarioLibre) – Cuerpo Policial Estatal di Ohio ta bay yuda proteha e scolnan di e ciudad di Springfield, cu ta den e centro di un conmocion politico tocante e migrantenan Haitiano, e gobernador a anuncia dialuna, mientras cu funcionarionan local a cancela un celebracion anual di diversidad cultural pa motibo di e efectonan di e afirmacionnan falso di e ex presidente Donald Trump cu e migrantenan ta comiendo

e mascotanan.

E gobernador di Ohio, e republicano Mike De Wine, a denuncia e rumornan desmenti cu a extende online prome cu Trump a amplifica nan den e debate presidencial siman pasa, y a bisa cu no tin prueba di esaki.

Den un conferencia di prensa na Springfield el a bisa cu dozijn di miembronan di e patruya di caminda di Ohio ta bay staciona na e scolnan di

e ciudad despues di un serie di menasa na henter e municipio, revisando cada edificio tur mainta prome cu e yegada di e profesor y studiantenan.

Nan a pone tambe camaranan di seguridad na puntonan strategico di Springfield y un cacho cu ta detecta bomb ta bay ta den e ciudad, disponibel 24 ora pa dia.

“Nos sa cu e ciudadanonan ta hopi preocupa,” DeWine a bisa. “Pero nos a traslada recur-

sonan pa Springfield. Hendenan tin derecho na sinti sigur y tambe ta sigur.”

E municipio di Springfield, varios scol y oficinanan estatal di vehiculonan di motor na e ciudad a haya nan mes obliga di evacua e personanan siman pasa despues di ricibi menasa di un bom. De e ultimo dianan por lo menos 33 menasa di bom a wordo produci, tur di nan falso, DeWine a señala. El a bisa cu algun di e menasanan tabata bin for di afo di e pais, pero a nenga di nombra e pais.

Springfield ta e centro di atencion intenso den e ultimo dianan despues cu Trump, su compañero di formula, e senador di Ohio JD Vance, y e ekipo di campaña presidencial republicano a ripiti afirmacionnan falso cu migrantenan Haitiano ta comiendo e mascotanan domestico y parhanan acuatico.

Den su aparicion na Filadelfia dialuna ultimo den e Conferencia di e Siman Nacional di Universidadnan Historica-mente Preto, e presidente Joe Bide a referi na e situacion na Springfield, condenando loke el a cualifica manera “mentira y odio”.

Springfield a cancela su celebracion anual di e diversidad, arte y cultura den respuesta na e menasanan. E CultureFest di e ciudad, cu ta dura dos dia, tabata programa pa cuminsa 27 di september pero a wordo cancela “teniendo na cuenta e menasa- y preocupacionnan di seguridad,” funcionarionan di Springfield a anuncia.

Dos universidad di Springfield a duna les na distancia dialuna. E Universidad di Wittenberg a bisa cu el a ricibi dos menasa durante fin di siman. “ambos dirigi na integranan di e comunidad Haitiano.” E universidad Estatal Clark a bisa cu e ta bay opera virtualmente te cu diabierna debi na e acontecimientonan recien na Springfield.



Maná ta kita cantica cu Nicky Jam como señal di rechaso na su apoyo pa Donald Trump

(AP) – Banda di pop-rock Mexicano Maná a kita su colaboracion di aña 2016 cu Nicky Jam despues cu e cantante di reggaeton di Puerto Rico a expresa su sosten pa e candidato Republicano Donald Trump.

“Maná no ta traha cu racisman,” e grupo a expresa cu un publicacion riba Instagram, unda a splica tambe e decision di kita “De pies a cabeza” for di plataforman online. E cantica ta un remix di e original den 1992 cu ta inclui den Maná su album clasico “¿Dónde jugarán los niños?”

“Pa e ultimo 30 aña Maná a ostene y defende e derecho di Latinonan rond di mundo. No tin negoshi ni promocion cu ta bal mas cu e dignidad di nos hendenan,” e band a skirbi riba Instagram. Jam, conoci pa su cancionnan manera “Travesuras,” “Voy a



Beber” y e colaboracion cu J Balvin “X”, a expresa su sosten a Trump diabierna ultimo na un mitin cu a tuma luga na Las Vegas. Ora cu el a introduci e cantante, Trump aparentemente a confundi e cantante pa un muhe: “Super strea di musica Latino Nicky Jam! Bo conoce Nicky, e ta ‘hot’. Unda Nicky?” el a bisa. A pesar di e confusion, Jam a expresa placer ora di conoce Trump, ken desde su prome campana presidencial a pri-

menti cerca e frontera y implementa un mensahe fuerte anti-inmigracion.

Maná tin mas di dos decada ta expresa sosten na e causa di migrantenan na Merca. Den 2018, despues di a ricibi Latin Recording Academy’s Person of the Year Award, nan vocalista Fher Olvera a priminti: “Nos lo sigui lucha pa e derechonan di migrantenan cu a haci e pais aki grandioso; den e ultimo siglo, nan tabata e



diferencia pa e pais aki por ta loke e ta awa.” Un representante di Jam no a responde na The Associated Press su peticion pa comentar, mientras cu un representante di e banda a confirma e declaracion haci pero no a duna mas detaye.

Funda na Jalisco, Mexico, Mana a gana 6 Latin Grammy y 4 Grammy ademas di ta un

di e bandanan mas influyente na Latino America. Tambe e tin un strea riba Hollywood Walk of Fame.

Ademas di Mana, un lista largo di artista a pidi pa nan musica no ser asocia na ni usa pa Trump, incluyendo ABBA, The White Stripes, Celine Dion, Bruce Springsteen, Rihanna, Phil Collins, Pharrell, R.E.M. y Guns N’ Roses.

MrBeast y Amazon demanda pa competidornan di su programa a causa di condicionnan ‘insigur’

(AP) – MrBeast ta acusa di crea condicionnan di empleo “insigur”, incluyendo acoso sexual y mal representacion di e competidornan su chens di gana den su programa nobo cu Amazon cu un premio di 5 miyon dollar, segun e demanda entrega den su contra diamars di parti di 5 participante cu no ta ser nombra.

E demanda ta acusa cu e compania multimillonario tras di YouTube su cuenta mas popular no a provee minimum loon, pago pa overtime, break pa come sin interrupcion y tempo pa descansa na e competidornan, kendenan su “trabao riba e show tabata e producto di entretenimento” bendi pa MrBeast.

Vocero di MrBest, ken su nomber real ta Jimmy Donaldson, a conta The Associated Press den un email cu e no tin comentario pa duna tocante e demanda nobo.

Donaldson su “Beast Games” a ser elgia como e “competencia mas grandi.” E tabatin e intencion di pone e creador di contenido di North Carolina dilanti audiencianan mas aleu cu e plataforma di You-



Tube unda su 316 miyon subscriber ta mira su desafionan uc hopi biaha tin regalnan caro of placa como premio.

Sinembargo e grabacion inicial cu a tuma luga na Las Vegas a cuminsa enfrenta critica

prome cu el a caba. Donaldson su compania a contrata 2,000 persona den un audicion inicial unda mita lo por avansa na e programa su grabacion real na Toronto.

E participantenan a haya sa

ora cu nan a yega Las Vegas cu e cantidad di competidor a surpasa 1,000 segun e demanda, cual ta reduci nan chens di victoria significativamente. E demanda tambe ta argumenta cu e “promocion falso” ta den violacion di ley nan di negoshi na California cu ta prohibi e operadornan di competencianan similar, yama ‘sweepstakes’, di “mal representa e chensnan di gana den cualkier manera.”

E 5 competidornan anonimo a bisa cu “falta di empleadonan medico” y “cuminda limita” a pone nan salud den peligro.

E documento tambe ta acusa cu empleadonan di produccion a crea “un ambiente laboral toxico” pa hende muhenan cu a enfrenta “acoso sexual” durante e competencia. E seccionnan aki ta sumamente redacta purbando di cumpli cu e “reglanan di confidencialidad” firma pa e competidornan, segun un comunicado di prensa di nan abogadonan.

E demanda ta agrega na e kehonan, circula online pa influencernan despues di e grabacion, cu un set desorganisa a laga algun di e participan-

tenan herida y tabatin un falta di acceso regular na cuminda y medicamento. Otro participantenan a conta AP cu nan a ricibi 2 cuminda chikito tur dia y MrBeast su marca di chuculati.

MrBeast su team tambe ta enfrenta acusacionnan nobo, unda ta alega cu nan a “conscientemente” clasifica e participantenan su status di empleo fout na Nevada Film Commission pa asina nan por ricibi credito di estado pa impuesto di mas di 2 miyon dollar.

Entre otro forman di alivio, e 5 participantenan ta pidi un ordo pa MrBeast implementa “reformanan den sitio di trabao” y paga “tur e placa cu ta debe.”

Luna pasa, den medio di varios crisis di relacion publico, Donaldson a pidi un evaluacion completo di e cultura interno di su imperio di YouTube y a delinea plannan pa rekeri training di sensitividad pa henter e compania.

No a revela mas detaye tocante esaki ni tampoco a publica un fecha pa e lansamento di e programa.

“Heredera falso” Anna Sorokin ta debut riba ‘Dancing with the Stars’ cu un monitor di enkel briyante

(AP) – Estafador condena Anna Sorokin a tuma e escenario di baile riba ‘Dancing with the Stars’ cu un monitor di enkel light y hopi briyante.

E yamado “heredera falso,” ken a ser condena pa estafa banco-, hotel y amigonan na 2019 despues di falsamente crea un reputacion como un heredera Aleman rico yama Anne Delvey, a debut e mon-

itor durante e estrena di e temporada nobo di ‘Dancing with the Stars’ diamars anochi.

“En realidad e no ta un problema mes. E ta basta light y mi a pidi nan pa mar’e mas preta pa asina e no keda move. Pues e no ta stroba,” el a conta AP despues di e estrena. E y bailarin profesional Ezra Sosa a presenta un rutina na e cantica popular “Espresso” di



Sabrina Carpenter.

“E ta e berdadero strea di e show, ban ta honesto,” Sosa a

bisa di e monitor di enkel cu Sorokin tabatin bisti. “Mi ta hay’e pret con hende ta pensa—e no ta peso riba enkel,” Sosa a bisa. “No ta manera e ta pesa 10 kilo. E ta literalmente menos di mita kilo y e no ta un problema.”

Sorokin a reconoce cu su debut no a bay manera a planea. “Mi ta alivia cu el a caba,” el a bisa. “Mi ta pensa mi bailamento por a bay mas miho, pero mi ta contento cu mi a haci esaki y e tabata un bon experiencia en general.”

Sorokin a bisa e ta spera cu spectadornan por tin mas pordon p’e a pesar di su historia criminal. “Mi ta spera hende por duna mi, duna mi un chens pa muestra kico mi por haci. Y mi a sirbi mi tempo y a paga back mi resti-

tucion,” el a bisa. Opinionnan di fanaticonan no tabata positivo, cu e frase “E debut decepcionante di Anna Delvey riba DWTS” entre esnan popular riba X. Mientras el a ser libera for di prison na februari 2021, autoridadnan di inmigracion a persigui’e despues cu el a sali, bisando cu el a sobrepasa su visa y mester regresa Alemania. E inspiracion di “Inventing Anna” tabata den custodia di ICE pa mas cu un aña prome cu un hues a habri caminda pa e cambia pa un detencion na cas na october 2022 mientras e ta bringa deportacion.

Su termino di liberacion mester a keda modifica pa permiti’e biaha for di New York pa Los Angeles pa filmamento.

Harvey Weinstein a ser procesa riba mas cargo di crimen sexual na New York

(AP) – A anticipa ayera cu Harvey Weinstein lo ser procesa na Manhattan riba un cargo nobo acusando e di tres ofensa sexual adicional, segun su abogado.



E abogado Arthur Aidala a bisa cu e ex-magnata di pelicula lo aparece den corte den persona pa enfrenta su reto legal mas recien despues cu el a ser despedi for di un audiencia siman pasa mientras e tabata recuperando for di un operacion di curason emergente.

E oficina di abogado di distrito Manhattan Alvin Bragg a revela durante e audiencia di dia 12 di september cu un hurado a debolbe un cargo nobo acusando Weinstein cu ofensanan anterior.

E acusacion lo keda conteni te ora cu Weinstein ser procesa. Fiscalnan a bisa cu e hurado a tende evidencia di te cu tres supuesto atake: den e añanan 2000 na e Tribeca Grand Hotel, awo conoci como e Roxy Hotel, y un edificio residencial na Manhattan, y, na mei 2016, na un Tribeca Hotel.

Na mesun momento, Weinstein ta wardando huicio di nobo den su caso famoso #MeToo despues cu e corte mas halto na New York a anula su condenacion na comienso di aña. E huicio di nobo di Weinstein ta planea pa cuminsa dia 12 di november. Fiscalnan a bisa cu nan lo busca pa cambia e cargonan nobo den e huicio di nobo, pero e abogado di Weinstein a opone esaki, bisando cu e mester ta un caso separa.

Aidala a nota siman pasa cu pasobra e acusacion ta keda conteni, no ta claro si e cargonan nobo ta involvi algun of tur di e acusacionnan adicional tendi pa e hurado. “Nos no sa nada,” el a bisa pafo di corte siman pasa. “Nos no sa kico exactamente e acusacionnan ta, e sitionan exacto y periodo.”

Weinstein tin tempo ta manteniendo cu cualkier actividad sexual tabata consensual. E ta kedando na un hospital na Manhattan despues di un operacion dia 9 di september pa saca fluido rond di su curason y pulmonnan.

Un hues a dicidi siman pasa pa permiti Weinstein, 72, pa keda indefinidamente den e departamento di prison na Bellevue Hospital en bes di ser transferi back na e departamento di enfermeria na e compleho di prison Rikers Island.

Den ordena un huicio nobo, e Corte di Apelacion na New York a dicidi na april pa e hues di huicio di nobo no permiti testimonio contra dje basa riba acusacionnan for di otro hende muhe cu no tabata parti di e caso.

DESDE 1 DI JULY 2024 CONFORME LEY,
ARUBA WASTEWATER SUSTAINABLE SOLUTIONS
AWSS
TA ENCARGA CU RWZI NA ARUBA.

RWZI
SYSTEMA DI RIOOL
PLANTA NAN DI PURIFICACION

Pa mas informacion:

www.awss.aw | [AWSS](https://www.facebook.com/AWSS) | info@awss.aw

280-0436

Aruba Wastewater Sustainable Solutions

A revolution in sustainable wastewater solution

Dokter Eric Vinck di Aruba gradua como ciruhano cardiovascular

Cu beca di Aruba Scholarship Foundation y Fundacion Promocion di Conocemento Cardiovascular den Caribe

Despues cu el a termina su preparacion di home schooling study na Aruba y Corsou, Eric Vinck a cuminsa studia medicina (pre-med) na Xavier University na Aruba na januari 2007. Despues el a sigui traha na Universidad El Bosque (UEB) na Bogota, na 2009.

E tabata un estudiante briyante y ehemplar cu hopi disciplina y amor pa su estudio. Na aña 2015 Eric a gradua como Medico General. El a tuma un aña di preparacion pa continua cu un aña 'rural' pa por obtene su licencia pa practica medicina na Colombia y pa por specialisa.

El a sigui specialisa den cirugia general na 2017 na UEB, unda el a gradua na 2021 como ciruhano general. Su estudio tabata su pasion di bida. Semper Eric tabatin un



inmenso dedicacion pa su carera di medicina y Aruba Scholarship Foundation cu hopi orguyo a otorga Eric beca pa specialisa den cirugia general.

E hoben a continua su estudio na juli 2021 cu beca di Stichting ter bevordering van Cardiovasculaire kennis in het Caribisch gebied" y cu apoyo di dokter Caspar Lacle, Eric a studia un aña despues na Un-

iversidad Potificia Bolivariana na Medellin, caminda el a gradua recientemente como ciruhano cardiovascular.

Eric ainda ta eherce trabao di investigacion, tanto na Colombia como na diferente universidad na Europa, e.o. na Leiden, Maastricht y otro parti di mundo. Awor cu el a gradua como ciruhano cardiovascular, el a haya e



posicion di ciruhano di curason na Colsubsidio Clinica Cardiovascular y Clinica el Country y los Cobos Medical Center na Bogota, Colombia.

Eric a expresa cu e lo sigui busca manera pa yuda y cuida su hendenan di e islanan Hulandes, sea na Bogota of na e islanan mes. Desde mucha semper su mayornan tabata y ta apoya Eric cu su studia-

mento. Un estudio di medicina di 16 aña largo. Un abraso caluroso di felicidad pa Papa Erick y Mama Edna.

Na number di presidente di Aruba Scholarship Foundation, Frits Goedgedrag conhuntamente cu team di ASF, cu gran placer ta comparti alegria cu Eric pa cu e gran logro. Aruba Scholarship Foundation ta desea dokter Eric Vinck hopi exito cu su carera nobo como ciruhano cardiovascular.

Bon Dia Aruba tambe ta hopi orguyoso cu un yiu di tera ta yega asina leu, y ta spera cu nos por conta cu su talento y experticio na Aruba den un futuro cercano. Alabes, ta elogia e bunita trabao di ASF pa duna sosten na nos yiunan di tera pa desaroya nan talento y habilidadnan na e nivel di mas halto.

Inicio di Dia di Monumento na e monumento Casita Geel na Weststraat 15

Diadomingo 15 di september tabata **Dia di Monumento** y pa e ocasion special aki **Minister Maduro di Cultura** tabata presente na e monumento **Casita Geel na Weststraat 15** pa asina duna inicio na e **Open Monumenten Dag** organisa pa **Stichting Monumentenfonds Aruba** den colaboracion cu **Open Monumenten Dag di Hulanda**.

Den presencia di Minister President y directora di MFA, Minister di Cultura a hiba un discurso den cual a recorda tur presente cu Monumentonan no ta solamente e edificacionan di piedra of palo, pero nan ta simbolonan di nos historia, nos retonan den pasado como pais, nos resiliencia y nos triumfonan. Nan ta e recordatorio di ken nos ta y di unda nos ta bin.

Despues di un discurso di minister di Cultura, a sigui baile di cinta, cortamento di cinta y hunto cu un hoben, Minister Maduro a habri e porta di e monumento Casita Geel pa marca inicio di e evento e Dia di Monumento/ Open Monumenten Dag habri na unda publico por admira 13 monumento den Centro di Oranjestad.



Sr. Stuart Willems cu di 30 aniversario trahando na bienestar di comunidad

E siman aki Sr. Stuart Willems a ricibi celebracion y gradicimento pa su di 30 aniversario trahando na bienestar di comunidad na **Centraal Accountantsdienst**.

Pa e ocasion festivo aki a entrega na Stuart su decreto gubernamental corespondiente y tambe un regalo pa recorda e aniversario importante aki di trabao.

Stuart a traha hopi aña na DIA y awo na CAD den e ramo di IT cu hopi dedicacion y profesionalismo.



Coco Gauff ta separa di coach Brad Gilbert despues di mas cu un año y un Grand Slam hunto

Tour di ciclismo na Hulanda por debilbe riba kalender profesional despues di 20 año



(NLTimes) – Binti año despues cu Erik Dekker tabata e ultimo ganador di Tour di Hulanda, e careda di varios dia di ciclismo por ta haciendo un comeback. Ta trahando duro pa pone e careda riba schedule pa october 2025, NOS ta reporta.

TIG Sports ta tumando iniciativa pa trece back e Tour di Hulanda bao e nomber provisional Tour of Holland. “Hulanda ainda ta un pais grandi den ciclismo. Nos tur ta riba nos bicicleta; nos ciclistanan ta duna prestacionnan top, y nos ta nota esaki den e combersacionnan cu nos tin. Definitivamente tin necesidad y interes,” managing partner di TIG, Niels Markensteijn a bisa e noticieor.

TIG a planta e simia prome cu Visma-Lease a Bike y DSM-Firmenich-PostNL, y cu sosten di e teamnan mayor di ciclismo Hulandes, a bay na asociacion di ciclismo KNWU. KNWU a solicita pa pone e careda riba kalender pa proximo october.

Asociacion Internacional di ciclismo, UCI ta bay anuncia e kalender pa proximo temporada fin di e luna aki na Zurich. Segun NOS, ta parce un formalidad cu Tour

of Holland ta bay ta riba esaki.

E careda lo consisti di un prologo y cinco etapa na varios sitio na Hulanda, Tur etapa ta bay ta cori den forma di circuito, un ronchi local. Segun Markensteijn, esey ta pone menos presion riba gobierno y autoridnan. “Obviamente, permiso ta necesario pa por cera e ruta, pero despues di esey, mester di menos,” el a bisa refiriendo na cosnan manera polis riba motorcycle compañando e ciclistanan. “Door di no core den etapanan ribbon for di A pa B, sino riba circuitonan local, ta mas facil. Tambe nos ta kere cu ta mas atractivo pa publico. Ta mas fun si bo mira e corendonan pasa mas cu un biaha.”

Tour of Holland lo bolbe na status 2.1, e di tres nivel di competencia di varios dia den cual teamnan profesional ta participa. “Nos ta spera di crece den un competencia Tour Mundial den e añanan despues, e nivel di mas halto,” Markensteijn a bisa.

Unabes cu Tour of Holland ta oficialmente riba kalender, e organisadornan ta bay cuminsa busca sponsor y papia cu gobiernonan local tocante e sitionan pa e etapanan.

(AP) – Coco Gauff a separa di coach Brad Gilbert despues di mas di un año y un Grand Slam hunto, e par a anuncia ayera a traves di mensahenan separa riba rednan social. Fin di nan partnership ta yega dos siman y mey despues cu e defensa di Gauff su titulo den US Open na 2023 a gracasa memey di 19 double-faults durante un perdida 6-3, 4-6, 6-3 contra Emma Navarro den di cuatro ronda na Flushing Meadows.



mente a cay di No. 3 pa No. 6 den rango WTA.

Tabata despues di un retiro den prome ronda di Wimbledon ultimo temporada cu Gauff berdaderamente a despegar cu ayudo di e duo di coach, Gilbert y Pere Riba.

Riba no tabata cune e año aki.

Gauff a bay 22-1 durante un racha na 2023 cu a inclui trofeo na Washington, Cincinnati y US Open – su prome torneo mayor – tur mientras ainda e tabata un adolescente.

MULTIPLICA BO PREMIO CU

MULTI-X

FP

x2

x3

x5

www.lottoaruba.com

Dia Mundial di Ozon (WOD) di año 2024

Protocol di Montreal: Avansando Accion pa Clima

Dia 16 di september, nos a celebra e compromiso cu paisnan a haci na 1987, pa proteha bida humano y e medio ambiente door di implementa e Protocol Montreal cu ta trata cu e substancianan cu ta caba cu e Capa di Ozon. Ta papia di un avance y logro desde e tempo ey y pa logra e obhetivo ta controla y purba yega na stop e uso di substancianan cu ta dañá e capa di ozon. Den e relato aki Directie Natuur en Milieu (DNM) ta trece dilanti e tema cu ta enfoca riba dje pa 2024 y tambe un biaha mas: kico ta e capa di ozon, cua ta e substancianan cu ta caba cu e capa solar, kico e Protocol di Montreal ta encera, y unda nos ta awe pa cu e proteccion di e capa solar.

E tema pa Dia Mundial di Ozon (WOD) di año 2024 ta, "Protocol di Montreal: Avansando Accion pa Clima." E tema aki ta subraya e rol crucial cu Protocol di Montreal tin y no solamente pa cu e restauracion di e capa di ozon sino tambe den mitiga cambio di clima. Esaki ta pa recorda un y tur di nos responsabilidad conhuntito pa sigui intensifica e esfuersonan pa combati cambio cli-

matico.

E capa di ozon, ta un capa fragil di gas cu ta proteha e mundo contra e parti dañino di rayonnan di solo, asina yudando preserva bida riba e planeta. E eliminacion di uso di cierto substancianan kimico cu ta caba cu e capa di ozon ta yuda proteha e capa di ozon pa e generacion aki y esun di futuro. Tambe e ta contribui na esfuersonan global pa atende cu cambio climatico.

Protehando salud humano y ecosistema door di limita e radiacion ultravioleta dañino cu ta yega na Tera. Algun di e substancianan cu a elimina nan uso ta 'hidroclorofluorocarbon' (HCFC-nan) y otro substancia 'hidrofluorocarbonnan' (HFC-nan) ta esunnan cu a dañá e capa solar, p'esey a elimina un y reduci e uso di e otro. Door di a haci esakinan, nos por papia di reduccion di emisionnan directo y indirecto di gasnan cu ta keinta nos planeta. Cual ta contribui na e metanan pa accion pa clima, y construi un futuro sostenibel pa un y tur.

E obhetivo principal di Protocol di Montreal ta pa proteha e capa di ozon door di tuma medidanan pa controla produccion y consumo global di



substancia cu ta dañá y caba cu e capa solar. E obhetivo final ta pa elimina e substancianan; e base di desaroyo di conocimiento científico y informacion tecnologico. E ta trata di varios grupo di substancia cu ta caba cu e ozon. E grupo di substancia kimico ta clasifica den un lista den anexo den e Protocol Montreal. E Protocol ta exige control di casi 100 substancia kimico, den varios categoria. Cada grupo den e anexo di substancia kimico, e Tratado tin un cronograma estableci pa e eliminacion di produccion y e consumo di e substancia ey, cu e meta pa

eventualmente elimina esaki completamente.

WOD ta ofrece oportunidad pa reflexiona riba e logronan di pasado, e trabounan actual, y futuro implementacion di e Protocol Montreal y e amienda di Kigali. E celebracion aki ta un actividad anual pa eleva conscientisacion di comunidad tocante e importancia di e acuerdo ambiental multilateral aki. Por considera e dia aki, un oportunidad pa involucra publico den concepto "kico ta encera e Protocol Montreal asina curasha dialogo den termino largo".

Un biaha mas, DNM ta gradici comunidad pa acepta e manera cu nos ta trece informacion dilanti di e dianan observa pa Nacionnan Uni asina expande e conocimiento y DNM por informa e avancen di accionnan na nivel internacional. Recordando un y tur cu ta Hunto nos ta logra e avancen, y ta danki na e trabou colectivo di Nacionnan Uni (UN), secretariado cu ta atende cu e tema di Ozon, gobiernonan, industrianan y sociedad civil a yega asina leu cu e capa solar ta den un bon estado y mester sigui proteh'e!

Google ta gana intento legal di anula boet di 1.5 biyon euro pa anticompetencia den caso di aviso digital

(AP) - Google a gana den corte riba diaranson contra un boet di 1.49 biyon euro cu Union Europeo a impone 5 año atras pa maneho anti-competencia contra su negoshi di aviso online.

Corte General di Union Europeo a bisa cu e lo benta afo e castigo cu Comision Europeo a impone den 2019, cual ta e bloke di 27 nacion su implementado di regulacion anti-competencia.

"Corte General ta anula e Comision su decision den su totalidad," corte a bisa den un comunicado di prensa.

E comision su decision a aplica na un porcion di Google su negoshi: avisanan cu e gigante di tecnologia a bende banda di resultadonan den Google su search y websitenan di tercer partido.



Reguladornan a acusa Google di hinca clausulan di exclusividad den su contractnan cu ta prohibi e websitenan aki di pone avisanan similar bendi pa Google su rivalnan. E comision a bisa ora cu el a duna e boet cu Google su comportamiento a causa cu e promotornan y e doñonan di website tabatin menos opcion y probablemente ta enfrenta prijsnan mas halto cu lo ser duna na consumidornan.

Sinembargo Corte General a bisa cu e comision "a comete erornan" ora cu el a evalua e clausulan aki. E comision no a demostra cu Google su contract ta stroba innovacion, causa daño na consumidor of yuda e compania keda cu na y mantene un posicion dominante den mercado nacional di 'search advertising', el a bisa.

E decision por ser apela, pero

solamente riba cierto puntonan, na Corte di Husticia, e bloke su corte top.

E comision a bisa den un declaracion breve cu e lo "cautelosamente studia e veredicto y refleha riba posibel pasonan pa tuma."

Google a testigua cu el a cambia su contractnan den 2016 pa kita e provisionnan en cuestion, te hasta prome cu e Comision a impone su decision. "Nos ta contento cu corte a reconoce erornan den e decision original y a anula e boet," Google a bisa den un declaracion. "Nos tambe lo evalua e decision di cerca."

E compania su victoria legal ta bini un siman despues cu el a desafia contra un caso separa anti-competencia pa su servicio di comparacion di compras cu tambe a involucra un boet pisa.

Tabatin entre 3 boet cu ta yega un total di 8 biyon euro cu cual e comision a castiga Google dentro di e decada anterior. E boetnan a marca e comienso di un era di critica intenso contra companianan grandi di tecnologia.

Desde e tempo aki, Google a enfrenta presion cada biha mas riba ambos banda di e Atlantico a causa di su negoshi di aviso digital. Actualmente e ta batayando contra Departamento di Husticia den un corte federal Mericano a causa di acusacionnan cu e tin un monopolio ilegal andando.

Reguladornan di competencia Britanico e luna aki a acusa e compania di abusa su posicion den e pais su mercado di aviso digital y dunando preferencia na su propio servicionan.

Chauffeur di un Nissan March kier a tuma chens subi rotonde tiki tiki te dal riba un Chevrolet Spark

Dialuna merdia a drenta informe di un accidente na rotonde Ponton riba E.J. "Watty" Vos blvd., mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda e chauffeur di un Nissan March kier a tuma chens subi rotonde tiki tiki te dal riba un Chevrolet Spark cual tabata riba e rotonde. Afortunadamente e impacto no tabata fuerte y ningun hende a resulta herida.




Polis a detene cliente di S.A.M.B.A. cual tabata bao influencia y hopi agresivo

Diamars mainta a drenta informe di cu na S.A.M.B.A. tin un cliente basta agresivo y incontrolable, mesora a dirigi un patruya na e sitio.

Na yegada di e patruya a bin

topa cu un cliente bao influencia y hopi agresivo, mesora a detene pa su mesun seguridad y di otro nan. Na momento di hib'e den e vehiculo di transporte por a scucha hasta con e tabata menasa nos colaborador.



Polis y ambulans a bay dilanti warda di polis pa un persona cu a bira malo y tabata tira abao

Dialuna atardi a drenta informe di cu tin un persona benta abao banda di e warda di polis na Oranjestad, mesora a manda un polis afo y tambe un ambulans pa atende.

Na salida di e polis a bin haya e persona benta abao y a yud'e pa lanta y sinta. Na yegada di e ambulans nan a atende e persona.



Polis y bomberonan a bay Tanki Leendert pa un candela pafu dilanti un cas

Diamars madruga a drenta informe di cu tin un candela na un cas na Tanki Leendert, mesora a dirigi tanto polis como bombero na e sitio.

Na yegada di e patruya a bin constata cu aki ta trata di un matras na candela den cura dilanti e cas. Na yegada di bombero a combati y paga e candela aki mesora.



Polis y ambulans a bay un adres na Bubali pa un dama burachi y cu a bira malo



Diaranson madruga a drenta informe di cu tin un dama burachi na un adres na Bubali despues a drenta otro informe di cune dama a bira malo, mesora a dirigi un patruya na e sitio.

Na yegada di e patruya a solicita presencia di un ambulans na e sitio. Na yegada di e ambulans nan a atende e dama y a transport'e pa hospital.

Polis a bay na Papilon pa un auto sospechoso laga atras

Dialuna mainta a drenta informe di cu tin un auto sospechoso laga atras na Papilon, mesora a dirigi un patruya na e sitio.

Na yegada di e patruya a bin encontra cu un Hyundai preto (ful gespuit cu bleki spuit) numera A16474 cual number no ta cuadra cu e auto. Aparentemente e gasolin lo a caba cune.



Polis cu a bay Cobalodo a haya droga y a haci detencion di 2 persona

Dialuna mainta durante cu polis tabata atendiendo e caso na Cobalodo a bin topa droga na e adres y a haci 2 detencion.

Mucho informacion no ta disponibel ainda. Unicamente cu a detene 2 persona e team di narcotica a keda di bay na e sitio pa mas investigacion.



Polis a detene homber cu a dal su pareha tras di su cabes cu e cabo di un arma di candela



Dialuna mainta a drenta informe di cu for di Cobalodo tin e Hyundai Elantra blanco a caba di sali y ta bayendo banda di Mundo Nobo Supermarket y e chauffeur lo tin un arma di candela cune. Mesora a alerta e patruyanan riba caya pa para e auto aki y control'e.

Na altura di Citgo Tanki Leendert polis a logra topa y a para e auto aki. Por a compronde cu na Cobalodo lo tabata tin un problema di pareha unda e sospechoso den e

Elantra lo a saca un arma di candela y a dal su pareha cu e cabo di e arma patras di su cabes y a bay for di e sitio. Polisnan a rondia den e auto pero no a logra haya ningun arma. Polisnan a detene e chauffeur mesora y a pidi un vehiculo di transporte pa hiba e detenido na warda di polis. Un di e cachonan di K9 a controla e auto y a detecta algo den e auto y polis a confisca e vehiculo pa bay na warda di polis pa asina nan busca den e auto mas den extenso.

Truck halto a pusha auto chikito y abao pa mas di 20 meter na Tanki Flip

Dialuna merdia a drenta informe di un accidente cu hende herida na Tanki Flip, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un truck halto y un auto chikito cual e chauffeur di e truck no a mira paso e auto ta abao y chikito y el a subi caminda pusha e auto den banda pa casi 20 meter largo. Ta te ora un otro chauffeur a bis'e cu e tin un auto ta pushando y mihor e para baha wak kico



tabata sosodiendo. E impacto tabata den banda di pasahero y e tabata keha di dolor na su pia drechi. Na yegada di e ambulans nan a atende e dama na e sitio mes.



Ta invita studiantenan pa un sesion informativo dia 26 di september proximo
E sesion informativo ta inicia pa 6 pm

En conexion cu e proyecto di Studentenkamer, Minister Endy Croes ta bishitando diferente scol secundario na Aruba pa invita e alumnonan pa un atardi di informacion. Diaranson mainta, e mandatario di Enseñansa a bishita Schakel College na Boegoeroei. E mandatario di Enseñansa y Deporte tabatin e oportunidad pa combersa un rato cu e studiantenan di havo 4, 5 y vwo 5, 6, alabes invita esnan cu ta desea pa continua cu nan estudio na Hulanda of den exterior pa un atardi dedica na nan. E sesion informativo aki ta

tuma lugha dia 26 di september proximo na The Movies na Gloria. Esaki ta di tres aña consecutivo cu ta organisa e proyecto aki. E meta ta pa yuda y motiva e alumnonan inscribi pa camber (studentenkamer) na tempo. Manera ta conoci, e guerra na Ucrania y Israel ta pone cu Hulanda ta hayando mas refugiado. Esaki ta trece cune cu e cupo di camber ta bira menos. E lista di espera pa haya un camber a bira di 2 pa 4 aña. E camber di e ciudadnan, manera Utrecht y Eindhoven ta limita y e lista di espera a bira di 3 pa 4 aña. Durante e sesion informativo lo tin diferente orado profesional cu lo brinda in-

formacion di entre otro alojamiento (huisvesting) na Hulanda. Lo a comparti e retonan pa haya un vivienda na Hulanda. Seccion Facilidat pa Estudio di Departamento di Enseñansa di Aruba (DEA) lo duna informacion di e finansa di Arubalening y con pa yega na un prestamo, alabes a contesta e preguntanan relaciona cu e topico aki. Adicionalmente, Sra. Paloma Osorio di Fundacion Plan di Bida lo duna informacion na e alumnonan tocante maneho di presupuesto. Sra. Lisanne Sambo-Gomez di Realign Caching, Consultancy & Services lo trata e topiconan: escogencia di estudio y con pa



yena e formularionan. Tambe ta importante pa prepara tanto e mayor, como e estudiante pa e reto nobo aki. Sr. Franklin Seute, autor y orado di e buki “Living Rich as a Student in the Netherlands” lo comparti hopi tips valioso di entre otro, maneho di placa como estudiante. Directora di Stichting Onderwijs Combina Sra. Inge La Haye a expresa cu nan ta hopi contento cu e bishita di minister na e scol, unda cu personalmente el a invita e alumnonan di “voorexamenklas” y “examenklas” pa e proyecto di Studentenkamer. Pa conclui, Minister Endy Croes ta gradici Sra. Inge La Haye, docente- y alumnonan pa e caluroso recepcion. Alabes, ta recorda nan pa inscribi hunto cu un mayor pa e sesion informativo.

Resultado Sorteo
September 18

Cadena Alexander Lottery ta presenta resultado di weganan di suerte

DIARIO	KORSOU	SUPER4	FLAMINGO
9005	9580	8711	1618
5380	1949	SUPER5	9985
7381	6471	-	8657

MERDIA

ANOCHI

CATACHI

Sorteo # 4392

2261

9221

4662

MULTI-X

X2

BIG 4

Sorteo # 4392

6805

MULTI-X

FP

1OFF

Sorteo # 2448

2069

ZODIAC

Sorteo # 4392

4863

Capricornio

LUCKY 3

Sorteo # 1266

936

MULTI-X

X2

CATACHI

Sorteo # 8350

9715

9559

9139

MULTI-X

FP

BIG 4

Sorteo # 7394

8382

MULTI-X

X2

1OFF

Sorteo # 2099

2745

ZODIAC

Sorteo # 6153

3557

Tauro

LUCKY 3

Sorteo # 1083

817

MULTI-X

ED

LOTTO 5

Sorteo # 2528

0 x Jackpot

0 x Match 4+

8 x Match 4

172 x Afl. 12,00

06-13-20-22-25

Joker 28 Letter J

Proximo Jackpot

120.000,-

LOTTO DIA

Sorteo # 6598

0 x Jackpot

2 x Match 4

113 x Afl. 8,00

11-19-20-22-27

Proximo Jackpot

54.000,-

MEGA

Sorteo #

0 x Jackpot

0 x match 4

0 x Afl. 500,00

0 x Afl. 50,00

0 x Afl. 15,00

Mega Ball

Proximo Jackpot

280.000,-

MEGA

Sorteo #

0 x Jackpot

0 x match 4

0 x Afl. 500,00

0 x Afl. 50,00

0 x Afl. 15,00

Afl. 380.000,-

KORSOU

Sorteo #

King Classic Sudoku

			2	9		5		7
					7		1	
1			6	5		4		9
9		2	8		4		5	
	4	6	9	2			7	8
8				7	6		2	
6	3	5	1		9			
7	8	4					9	1

Difficulty: ★★★

9/19

©2024 King Features Syndicate, Inc.



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
Oduber San Lucas
Tel. 582 1780 Tel. 584 5119

EMERGENCIA **911**

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Servicio di Taxi

Aruba Transfer Tour & Taxi C.A.

Tel: 582 2116 / 582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Ganador di e premio principal a kita 20 Burmese Python den Florida Python Challenge



**(AP) - E ta oficial, Florida
Python Challenge e aña
aki tin un ganador.**

E premio grandi di 10,000 dollar ta bay na Ronald Kiger, ken a retira 20 Burmese Python for di Florida Everglades durante e casa di 10 dia, cual tabatin e meta di conscientisa e menasa cu e pythonnan aki ta posee na e ecosistema. Aña pasa, e tabata e runner-up pa e premio.

Representantenan di Florida Fish and Wildlife Conservation Commission a anuncia Kiger su victoria den un reunion diamars mainta na Duck Key. E aña aki, mas di 800 persona for di 33 estado y Canada a participa den e desafio y e casadornan a kita mas di 195 python for di selva.

E resto di e placa den premio a ser dividi entre e competencia su 3 categoria: principiante, profesional y militar. Donna Kalil tabata falta un python pa empata cu Kiger. Kalil, un contratista di South Florida Water Management district, a ricibi un premio di 2,500 dollar pa gara 19

python den e categoria profesional.

Tambe den e categoria di profesional, tabatin Marcos Rodriguez ken a gara 16 python y a ricibi 1,500 dollar den premio y Quentin Archie ken a gana 1,000 dollar pa gana e python mas largo den su categoria di 2.7 meter.

Thomas Hobbs a gana 2,500 como prome luga den e categoria di principiante, garando 16 python, mientras cu Dennis Krum a gara e python mas largo den e categoria y tambe henter e competencia, un python di 3 meter.


Jeff Lince a gara 5 python, ganando 2,500 dollar den e categoria di militar y Antonio Ramos a gana 1,000 dollar pa gara e python mas largo den e grupo aki di 2,9 meter.

E desafio a tuma luga den mita di augustus. E casadornan tabatin e tarea di deshaci di manera humano di e Burmese Python y entrega e curpa na cualkiera di e competencia su 3 punto na South Florida.

E desafio no tabata solamente pa e casadornan gana un parti di e 25,000 dollar den premio. Tambe e ta ser usa pa aumenta e conscientisacion tocante e peligran di e pythonnan aki, manera con nan ta afecta e demas colebranan nativo, por plama malesanan entre e otro bestianan local y tin nivelnan di mercurio haltu cu ta peligroso pa consumi humano.



Pronostico di tempo



Tempo:

Awe tardi y awe nochi: parcialmente nubla y generalmente seco
Den marduga y mañan: temporalmente hopi nubla cu un awasero local

Temperatura maximo 34 grado celsius

Temperatura minimo 28 grado celsius

Indice di calor (heat index) den y rond di oranan di merdia: 35 pa 42 grado celsius
UV index: 12

Bahada di solo : 6:38 pm
Subida di solo : 6:29 am

Biento:

Moderado for di direccionnan entre oost y zuidoost;
Forsa 3 te 4 (12 te 30 km/ora, 7 te 16 nudo).
Durante di dia basta fuerte te posiblemente
Fuerte den rafaga;
Forsa 5 te 6 (31 te 50 km/ora, 17 te 27 nudo)

Situacion general di tempo pa proximo 24 ora:

Instabilidad leve ta persisti den region y lo sigui trece humedad hunto cu e biento. Esaki por produci un awasero local durante e periodo di pronostico aki.

Condicionnan maritimo/ estado di lama:

Na partinan protegi di costa: keto, rond di 1 pia.
Na partinan zuid: trankil, 1 pa 2 pia.
Na partinan oost te noordwest di costa: Generalmente modera cu olanan alrededor di 4 pa 5 pia, localmente e por yega 6 pia.

Oportunidad pa Trabou

Orion Security
tin mester di

"Security Guards" full time
por pasa aplica na J.G.
Emanstraat 79, pa mas
informacion por yama 583 8314

218349

Mihor Indian Astrologo

conoce di bo pasado, presente
y futuro door di lesamento di bo
man y bo cara

Tel. 747 0808

218336

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Senor ta mi wardador, mi’n tin falta di nada.
Den cunucu di yerba berde e ta ponemi sosega.
E ta hibami na awa trankil, Pa mi bolbe haya forsa”
Salmo: 23

Cu pena na nos curazon, nos ta anuncia fayecimento di
nos mama stima



Sra viuda. Juana Altagracia Semerel-Geerman
*12 mei 1945 - †14 september 2024

Mayornan:
†Jose Geerman y †Dolorita Geerman
Na nomber di su casa:
†Crispino Cris/Pin Semerel
Yiunan stima:
Elaine y Henry Fingal- Semerel
†Augustinus Semerel
Ivette Semerel y Ivan Kelie
Chris y Dudehinix Semerel- Vera
Nieto y nieta:
Joshua Fingal
Zillah y Reinhard Eman- Fingal
Lionnysun Semerel
Zizette Kelie
Christian Semerel
Destiny Semerel
Bisanieto:
Hendrix Eman
Suegro y suegra: †Augustinus y †Inocencia Semerel-Tromp
Rumanan:
†Benito Geerman
†Rosa Danje-Geerman y famia
†Raymundo Geerman y famia
†Augustina Werleman - Geerman y famia
†Cletano Geerman
†Imeldo Geerman y famia
†Diana Geerman y famia
†Filomena Geerman
Jose Geerman y famia
Sua y cuñan:
Angela Stamper-Semerel y famia
Mariano Semerel y famia
†Ana Croeze-Semerel
Reynaldo Semerel y famia
†Simion Semerel y famia
†Inmaculada Semerel
Elizabeth Paesch-Semerel y famia
Noel Semerel y famia
†Rodrigo Semerel
Elsa Semerel
Juan Semerel y famia
Eddison Semerel
Subrinonan y Iha nan.

Famia nan:
Geerman, Semerel, Tromp, Fingal, Kelie, Vera, Eman,
Danje, Werleman, Stamper, Croeze, Paesch, Henriquez,
Sosa, Figaroa, Croes, Yarzagaray, Gijsberts, Gerretse, McKoy,
Tucker, Trimon, Flanegin, Lampe, Franken, Boekhoudt,
Loefstop, Maduro, Danjo, Pena-Reyes,

Ta invita demas famia, bisina, amiga/o y conocirnan pa e acto
di entierro cual lo tuma lugar.
Diahuebs, 19 September 2024 for di 2’or pa 4’or di atardi na
Misa Inmaculada Concepcion Santa Cruz. Despues lo sali pa
Santana catolico Sta Cruz.

Nos disculpa cu si den e momento nan di tristesa aki nos por
lubida di menciona un familiar of conocir. Nos ta lamenta cu
despues di entierro no ta ricibi bishita na cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Cerca Dios mi alma ta na paz, manera un yiu
cerca su mama”

Cu inmenso tristeza nos ta participa fayecimento
di



ROSINI URBINO RAS
“Duffy”
*13 September 1964 - † 12 September
2024

Na nomber di su:
Mayornan: † Joaquin y † Vera Maria Ras –Ridderstapt

Compañera di bida: Sandra Croes
Yiunan: Gislane Ras
Stacey Ras y Ricky Croes
Rosini Ras

Nieto stima: Ashton Croes

Rumannan: Ruben y Violeta Ras
Rubia Ras
Roselia y Albert Vrolijk-Ras
Rosy Ras y Daniela Speyer

Rumannan di criansa: Jenny Lesandrina y yiunan
Tamara y Marlon Istatia

Swa: Humphrey Croes y famia
Cuñanan: † Vilma Croes y famia
Marion Croes y Rofelix y famia

Iha: Veyronish Tromp

Subrino(a)nan: Vera Maria y Rodney Tromp y yiunan
Roxina Ras y yui
Nataniel Ras y yiu
Clifford Ras
Ronald Speyer y Lina Parra y yiu
Roseanne Vrolijk y yiunan
Maria Joaquina y Cristian Gonzalez y yiunan
Aaron Speyer y Nikky Kelly
Yelitza y Stephanie Ras
Yeritza Ras y Aldwin Koolman y yiu
Albert Vrolijk
Myron y Candy Speyer y yiu

Prima y primonan
Amigonan di cas Manuel Teran, Patrick Henriquez,
Edwin Chirino, y Joseph Hodge.
Ex-coleganan di Post Aruba. Coleganan di Bureau
Sostenemi, Mongoose Biljard Team y tur su amigonan
di biljard y bisinanan.

Demas famia: Ras, Croes, Flanegien, Vrolijk, Speyer,
Quandt, Orman, Zievinger, Sevinger, Oliver, Tromp,
Vivo, Bernabela, Odor, Jacobs, Ridderstap, Kemp,
Lesandrina, Istatia, Britten, Mackay, Martis, Pieter
(Curacao).

Condolencia lo tuma lugar Diabierna 20 September
2024 di 7’or pa 9’or anochi na Aurora Funeral Home.

Acto di entierro lo tuma lugar Diasabra 21 di September
2024 for di 9:00 am pa 11:00 am na Aurora Funeral
Home y despues lo sali ba pa Santana Catolico na
Paradera.

Despues di entierro no por ricibi bishita di condolencia
na cas.

Disculpa nos si den nos momentonan di tristesa nos
por a lubida un of otro familiar.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Mi Dios, Mi Señor, Mi Salbador
Cu Bo amor infinito tenemi den Bo braza
Ya no tin scuridad
Unicamente Bo Luz briyando

Cu dolor na nos curason, nos ta anuncia fayecimento
di nos ser stima:



Anthony Segundo Scharbaay
*11-06-1957 - †17-09-2024

Acto di entierro lo wordo anuncia despues

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada.
Den cunucu di yerba berde e ta ponemi sosega.
E ta hibami na awa trankil,
pa mi bolbe haña forsa”.
Salmo: 23

Cu dolor na nos curason, nos ta participa fayecimento
di nos ser stima:



Sra. Florentina M. Dirksz
Cariñosamente yama “Ruby of Bibi”
*15-12-1949 - †08-09-2024

Acto di entierro lo wordo anuncia despues

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Nos ta anuncia fayecimento di:



Leopoldo Willems
*15-11-1943 - †15-09-2024

Acto di entierio lo wordo anuncia despues.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Nos ta anuncia fayecimento di:



Maria Rafaela Croes
*24-10-1933 - †17-09-2024

Acto di entierio lo wordo anuncia despues.

Asamblea general di ONU ta apoya un resolucion Palestino demandando Israel pa caba cu su ocupacion

(AP)—E Asamblea General di e Organizacion di Nacionnan Uni a apoya fuertemente un resolucion Palestino no-vinculante ayera demandando Israel caba cu su “presencia inhusto” na Gaza e y West Bank dentro di un año.

E voto den e cuerpo global di 193 miembro tabata 124-14, cu 43 ausencia. Entre esnan den oposicion tabata Merca, e aliado mas cercano di Israel. E resolucion a ser adopta mientras e guerra di Israel contra Hamas na Gaza ta yega su prome aniversario y mientras violencia na West Bank ta yegando un peak nobo. Esfuersonan pa media un trato di alto-al-fuego na Gaza ta andando, cu secretaria di estado di Merca Antony Blinken reuniendo cu e otro mediadornan ayera na Egipto, hasta mientras atakenan na otro parti di e region ta aumenta preocupacion di un conflicto escala den e Medio Oeste.

Riyad Mansour, e embahador di ONU Palestino, a yama e voto un punto di cambio “den nos lucha pa libertad y husticia.”

“E ta manda un mensahe claro cu e ocupacion di Israel mester yega na un fin lo mas pronto posible y cu e derecho di e pueblo Palestino pa auto-determinacion mester ser realisa,” el a bisa.

Embahador di ONU pa Israel, Danny Danon, a critica e voto como “un decision bergonsoso cu ta apoya e terrorismo diplomatico di e Autoridad Palestino.”

“En bes di marca e aniversario di e masacre di dia 7 di october por medio di condena Hamas y haci yamado pa e liberacion di tur 101 rehen restante, e Asamblea General ta sigui baila na e musica di e Autoridad Palestino, cual ta apoya e asesinanon di Hamas,” Danon a bisa.

E mision Mericano pa ONU a yama e resolucion “di un solo banda,” subrayando su fracaso pa reconoce cu Hamas, “un organizacion terroristico,” ainda tin poder na Gaza y pa bisa cu Israel tin e derecho di defende su mes for di actonan di terrorismo. “E resolucion aki no lo trece progreso tangible pa Palestinonan,” Merca a bisa. “De hecho, e por ambos complica esfuersonan pa trece un fin na e conflicto na Gaza y stroba stapnan pa un



solucion di dos estado, mientras e ta ignora e preocupacionnan berdadero di seguridad di Israel.”

Mientras e resolucion no ta legalmente vinculante, e extento di su apoyo ta refleha opinion mundial. No tin ningun veto den e Asamblea General, no manera e Consejo di Seguridad.

E resolucion tambe ta demanda e retiro di tur forsa Israeli y e evacuacion di colonistanan for di e teritorionan Palestino ocupa “sin retraso.” Y e ta urgi paisnan pa impone sancion riba esnan responsable di mantene e presencia di Israel den e teritorionan y para exportacion di arma pa Israel si ta sospecha cu nan ta ser usa cynan.

Ademas, e resolucion ta yama pa Israel paga reparacion pa Palestinonan pa e daño causa pa su ocupacion y ta urgi paisnan pa tuma stapnan pa preveni comercio of inversion cu ta mantene e presencia di Israel den e teritorionan.

Esaki ta bin den respuesta di un huicio pa e corte top di ONU na juni cu a bisa cu e presencia di Israel den e teritorionan Palestino tabata inhusto y mester caba. E opinion di e corte tambe no ta legalmente vinculante.

Den e condenacion di e dominio di Israel riba e tera cu el a captura durante e guerra di 1967, e Corte Internacional di Husticia a bisa cu Israel no tin derecho pa soberania riba e teritorionan y tabata violando leynan internacional contra adkision di tera via medidanan di forsa.

E consideracion di e Asamblea General riba e resolucion a cuminsa diamars cu Mansour enfatisando cu cualkier pais cu ta pensa cu e pueblo Palestino

“lo acepta un bida di servitud”—of cu ta bisa cu paz ta posible sin un solucion husto na e conflicto Israeli-Palestino—“no ta realistico”.

E solucion ta keda un estado Palestino basa riba e fronteranan di 1967, cu East Jerusalem como su capital, bibando hunto den paz y seguridad cu Israel, el a bisa.

Human Rights Watch y Amnesty International tambe a urgi Israel pa haci caso na e yamado pa caba cu su ocupacion. E resolucion ta puntra secretaria-general di ONU Antonio Guterres pa entrega un rapport na e Asamblea General dentro di tres luna riba implementando e resolucion, “incluyendo cualkier accion tuma pa Israel, otro estadonan y organisacionnan internacional, incluyendo ONU.”

“Nos ta cumpli nos mes completamente na e decisionnan di e Corte Internacional di Husticia,” Guterres a conta repoteronan. “Mi lo implementa cualkier decision di e Asamblea General pa loke ta trata esey.” Mansour a bisa cu Israel probablemente no lo paga tino na e resolucion y cu e Palestinonan lo mester presenta un mas fuerte.



Hungria ta nenga di paga boet pa violacion di reglanan di asilo UE. Asina mes Bruselas ta kitando e placa



(AP)—E Union Europeo a cuminsa ayer a proceso di hala aden shen miyones di euro den fondo destina pa Hungria despues cu su gobierno anti-migrante a nenga pa paga un boet grandi pa violacion di e reglanan di asilo di e aliansa.

Na juni, e corte top di UE a ordena Hungria pa paga 200 miyon euro pa keda pone limitacion riba e derecho di migrantenan pa aplica pa asilo. E corte a impone un boet adicional di 1 miyon euro pa tur dia cu nan fracasa pa cumpli cu esaki.

E Corte Europeo di Husticia (ECJ) a describi e accionnan di Hungria como “un violacion extremadamente serio y sin precedencia di e ley Europeo.” E prome minister Hungaro Viktor Orbán a

critica su huicio como “ridiculo y inaceptable.”

E sector ehecutivo di UE, e Comision Europeo, a bisa cu mirando e fracaso di Hungria pa paga of provee informacion tocante su intencionnan, Bruselas ta “moviendo pa loke nos ta yama e procedura ‘off-setting’ por medio di tuma e placa for di fondo comun cu lo tabata destina pa Budapest.”

“Pues, loke nos ta bay haci awo ta deduci e 200 miyon euro for di pagonan binidero for di e presupuesto di UE pa Hungria,” segun e vocero di comision Balazs Ujvari a bisa. El a bisa cu lo tuma tempo pa identifica cual parti di e fondo di Hungria por ser deduci.

Ujvari a bisa cu e comision tambe a manda e prome petition di pago riba e boetnan diario di 93 miyon euro te awo. “Contando for di e recibo, e autoridadnan Hungaro lo tin 45 dia pa haci e pago,” el a bisa.

E gobierno nacionalista Hungaro a tuma un posicion estricto riba hende drentando e pais mirando cu mas cu 1 miyon hende a yega den Europa na 2015, mayoria di nan huyendo for di conflicto na Siria.

E caso contra dje ta relaciona na e cambionan cu Hungria



a haci na su sistema di asilo na comienso di e crisis, ora aproximadamente 400,000 hende a pasa via Hungria na caminda pa e parti occidental di Europa.

E gobierno na Budapest a ordena pa pone cura cu waya electrico riba su fronteranan sur cu Serbia y Croacia y pa construi un par di zonanan di transito pa tene buscadonan di asilo riba su frontera cu Serbia. E zonanan ey di transito a cera desde e tempo ey.

Na 2020, e ECJ a descubri cu Hungria tabata acceso limita na proteccion internacional, inhustamente deteniendo

aplicadornan di asilo, y fracasando pa observa nan derecho pa keda mientras nan aplicacionnan tabata bao proceso.

E zonanan di transito a cera na 2020, net despues di e huicio ey.

Pero e comision, cual ta responsable pa monitoria e cumplimiento di e 27 estado miembronan cu nan leynan comparti, a tuma e perspectiva cu Budapest ainda no a cumpli y a pidi pa e ECJ impone un boet.

Despues di e brote di Covid-19 na 2020, e gobierno

tambe a pusha un ley forsando buscadonan di asilo pa biaha pa Belgrade of Kyiv pa aplica pa un permiso di biahe na su embahadanan eyan prome cu drenta Hungria. Un bes cu nan regresa di eyan nan por entrega nan aplicacionnan.


Hende tin e derecho pa aplica pa asilo of otro forma di proteccion internacional si nan ta preocupa pa nan seguridad na nan pais materno of ta enfrenta e prospecto di persecucion basa riba nan rasa, religion, historia etnico, genero of otro discriminacion.

Merca: Estudiante di 6 año di Virginia a trece un revolver na scol den tas, segun alguacil

(AP)—Un estudiante di seis año di edad a trece un revolver na un scol na Virginia den su tas, pero e alguacil a bisa cu no tin señal cu e mucha tabatin intencion pa us’e.

Un asistent instruccional na Orange Elementary School a haya e arma dialuna atardi mientras e tabata yudando un mucha cu a yega laat saca cosnan for di su tas, segun e alguacil di Orange County, Jason C. Smith, a bisa den un declaracion publica riba red social. E asistent a notifica administracion y e agente di recurso di e scol, y e pistol a ser kita for di tereno di scol, Smith a bisa.

A determina cu e mucha a trece e revolver Heritage



Rough Rider di .22 caliber scol, pero no tin indicacion cu e mucha tabatin intencion pa usa e arma, el a bisa. No a anuncia ningun detencion den e caso y Smith a bisa cu e investigacion tabata andante.

“E situacion ta hopi desafortuna y devastador pa e comunidad aki,” Smith a bisa. “Nos lo mancha esaki hunto. Situacionnan manera esaki ta recorda nos con fortuna y gradici nos ta cu nada serio a tuma luga.”

Na januari 2023, un estudiante di seis año a trece un handgun scol, cual el a usa pa tira y herida su docente mientras e tabata dunando les na Richneck Elementary School na Newport News, Virginia.

Por lo menos 20 morto den atake di milicia na Congo

(AP) — Un atake di milicia a mata por lo menos 20 habitante di e pueblo den noordoost di Republica Democratico di Congo, segun autoridadnan local a bisa diamars ultimo, ta trata di e mas reciente atake civilnan.

Rebeldenan di e Cooperativa pa e Desviacion di Congo (CODECO) a mata por lo menos 20 persona cu arma di candela y machete na Fataki, un pueblo den territorio di Djugu, asina e hefe di administracion local Jean-Marie Makpela a bisa. E rebeldenan a kima casnan, horta propiedad y a bay cu matras for di un instalacion medico, el a agrega.

“Nos ta haci un yamada na autoridadnan di e provincia



di Ituri pa yuda pone un fin na e tragedia ripiti aki pasobra no ta normal pa hende muri y pa nada wordo haci,” Dieudonné Lossa, coordinado di sociedad civil den e region a bisa.

CODECO ta un asociacion conforma di varios milicia, mayoria di e comunidad agricultor di e grupo etnico

Lendu. E atakenan di e grupo a mata casi 1.800 persona y a herida mas cu 500 den e cuater aña te na fin di 2022, segun e Centro pa Estudio y Investigacion riba Terorismo na Africa.

For di varios decada, Congo Oriental ta afecta pa bringamento entre forsan di gobierno y mas cu 120 grupo



arma, hopi biaha cu bomnan dirigi riba civilnan mientras cu milicia ta purba tuma e oro y otro recursonan di e region. Violencia a empeora den e ultimo lunanan na medida cu forsan di seguridad ta bringa contra milicia.

Nacionnan Uni a bisa cu algun di e atakenan por constitui crimennan di guerra of cri-

mennan contra humanidad. Na mei ultimo, un grupo di trahadonan di ayudo a ser intercepta pa rebeldenan di CODECO ora nan tabata regresa for di Djugu caminda nan a identifica hendenan desplasa pa un proyecto di ayudo. E trahadonan despues a ser libera, pero tur e suministro cu nan tabata carga a ser horta.

Portugal ta declara estado di calamidad mientras cu candelanan ta for di control

(AP) – Mas di 100 candela di mondi a pusha miles di bombero te na e limite den noord di Portugal. Shete persona a muri desde diaranon, ora cu e pio brote di candela den e ultimo añanan a cuminsa.

Prome minister di Portugal, Luis Montenegro, diamars ultimo a declara un estado di desaster den e zonanan mas afecta y a yama instancianan pa mobilisa mas bombero y funcionario. Tambe el a haci un yamada na investigadonan policial pa redobla nan esfuersonan pa haya esnan cu a cuminsa e candelanan y a priminti yudansa na esnan cu a perde nan cas of a ser evacua.

“Nos ta hopi consciente cu e oranan dificil aki no a caba,” Montenegro a bisa den un mensahe televisa na e pais. “Nos tin cu sigui duna tur loke nos tin y nos ta pidi nos partnernan y amigonan yudansa pa asina nos por fortalece e proteccion di nos hendenan y propiedad.”

Servicio di monitoreo di satelite Copernicus di Europa a bisa cu pa diamars anochi alrededor di 15.000 hectar a kima y un total di 13 kilometer (8 miya) candela a keda detecta. E vlamnan a menasa un zona unda 210.000 hende ta biba, el a agrega.

E condicionnan seco y cay-

ente cu a conduci na candela na Portugal a coincide e siman aki cu inundacion na Europa central. Union Europeo a bisa ayera diaranon cu e sucesonan extremo competitivo tabata evidencia di un “destruccion di clima.”

Miembronan di UE manera España, Francia, Italia y Grecia cada un a priminti di manda dos avion cu ta baha awa pa yuda bomberonan Portugues. Ehersico España tambe a manda 240 soldaat y vehiculo di su Unidad di Emergencia Militar specialisa den com-

batimento di candela pa e pais bisina.

Huma shinishi y holo di palo kima a yega te na e frontera cu noordwest di España, mas o menos 85 kilometer leu.

Montenegro a haci un yamada special na forsan di seguridad pa busca cualkier hende cu negligentemente a cende un candela. Polis nacional Portugues a bisa cu nan a detene shete homber sospechoso di a cuminsa candela di mondi den e ultimo dianan. Autoridadnan a pro-

hibi uso di ekipo di agricultura pisa pa reduci e riesgo di cuminsa candela accidentalmente.

Un di e zonanan mas afecta tabata e distrito di Aveiro, zuid di e ciudad nort di Porto, aunke tambe tabatin candela grandi for di control den otro zonanan di boske.

Autoridadnan ainda no a duna cifranan di daño na propiedad, pero television estatal RTP a mostra imagennan di casnan kima den pueblonan rural y di habitan-

tenan di e zona tratando di confronta e vlamnan cu baki di awa, slang y hasta rama grandi. Otro imagennan televisa a mostra e huma oraño cu ta reduci visibilidad na djis algun meter.

Tres bombero a fayece diamars ultimo nan vehiculo y un otro a cay flauw na loke autoridadnan a describi como un “malesa diripiente” mientras nan tabata trahando den fin di siman. Tres civil tambe a muri, segun autoridadnan di proteccion civil a señala.

